

WANTOK



OCEAN BLUE

Tuna in oil
Rait teist
yah!



Wan Wik, Septemba 22 - 28, 2005 NAMBA 1627

Niuspepa bilong yumi ol PNG stret! K1.00 long Mosbi tasol - Ausait Mosbi K1.30



LUKIM OL 30 INDEPENDENS SELEBRESEN PIKSA NA STORI INSAIT...



MOSBI pes 15 - 18



NGI pes 5



HAILANS pes 7...
Na MOMASE pes 6

Photo: ANDREW MOLEN

KANTRI BILONG MI: Olgeta manmeri long kantri i kamapim wan wan stail bilong ol long amamasim namba 30 independens bilong PNG na liklik Ruth Allen i amamas tasol long piksa bilong Kumul i pas long pes bilong em.

STOPIM LIDASIP LO

Ol Komyuniti Grup agensim pasin korapsen wantaim ol nius midia kampani na Transparensi Intanesenel, ol lain husat i save strongim stretpela wok pasin, nau i redi long agensim senis long Lidasip Lo... Lukim pes 3 long painimaut moa

COROLLA

More Brand New TOYOTA COROLLAS COMING SOON

SPECIAL OFFER
Drive Away!

K69,990.
GST Inclusive

Place Your Orders Now!

FOR ENQUIRES CONTACT:
3229400
mhim@elamotors.com.pg

Ela Motors
TOYOTA

Hurry Offer Expires: 17 / 10 / 2005.

WHEELS FOR THE NATION

Tupela bipo pablik seven kalabus long Jayapura long salim mariwana

Ari Haba i raitim

TUPELA sinia pablik seven husat i lusim pablik sevis bipo nau i stap long Abepura haus kalabus long Jayapura long Papua bihain long Indonesia Marin Polis i holim ol long solwara klostu long Jayapura long karim 3.8 kilogrem spak brus o mariwana.

Tupela man ya em Willy Manson, em bipo kiap na Distrik Etnimistreta na Francis Mayo, em bipo Provinsel Helt Eduketa long Vanimo.

Tupela bipo pablik seven ya i bin ron long nait long dingi wantaim 4-pela arapela man wantaim kepten bilong bot.

Kepten wantaim tupela arapela man em ol Indonesia polis i lusim ol na holim ol tripela ya bikos ol i holim mariwana long go salim long ol lain Indonesia.

Wantok Niuspepa i bin kisim ripot long wanpela man Indonesia husat i save tanim tok long Jayapura Distrik Kot Haus. Em i tok olsem tupela man ya na arapela man em ol polis i holim ol long ol i laik go salim mariwana.

Dispela man bilong tanim tok, i tok ol dispela lain i mas salim pinis mariwana bipo na ol i bin ron long nait tasol long solwara i kam long Vanimo na i go bek long salim dispela namba tu bek em skel bilong em 3.8 kilogrem. Em i tok i mas i gat sampela lain

Indonesia mas givim ripot long polis na polis i was long nait.

Taim ol dispela lain i kam i laik go insait long sua long basis long Jayapura em ol Indonesia marin polis i sanap pinis na holim ol.

Ol polis i painim dispela bek mariwana na ol i kisim ol i go stap long rum gat long Jayapura.

Long tripela wik i go pinis long namba 21 de bilong mun Ogas ol i bin kamap long Jayapura Distrik Kot na kot i salim ol i go stap long haus kalabus long Abepura.

Tupela bipo pablik seven ya bai kamap long kot gen long mun Oktoba.



FIT NATING NAU: Wanpela turangu man i no inap wokabaut, i amamas tru long dispela kain nupela wil sia we ol i tok em i ken ron long graun na ol arapela ples we ol bipo wil sia i no inap go long en.



BIHAIN TAIM BILONG PNG: Susie Nalau wantaim tupela yangpela poroman bilong em, Barbara (lephan) husat i gat 3 krismas na Ilaija (raitnan) husat i gat 4 krismas i bin bilas na bihainim singsing bilong Taemidigu kalsa grup long makim tripela ten krismas bilong PNG indipendens long Sir John Guise Stadium long biksiti Pot Mosbi. Tupela liklik ya i soim klia olsem bihain taim bilong PNG bai sanap strong long kalsa na tumbuna pasin. Yu ken lukim moa Indipendens selebresen piksa long Pes 15, 16, 17 na 18.

Nupela wilsia bilong PNG stret

OL Turangu lain husat i no i nap long wokabaut long lek bilong ol yet i ken maiolo tasol wantaim helpim bilong Voluntia Sevis Ogenaisesen (VSO).

VSO bai i givim 350 wil sia i go long ol turangu lain bilong PNG stat long neks yia na ol bai go long Wewak, Rabaul, Hagen, Pot Mosbi na Lae.

Dispela ol i no wil sia nating, ol i mekim ol i nap long ron long ol ples nogut olsem long maunten na insait long bus na bai inapim stret kain ples olsem PNG.

Wan wan bilong ol dispela sia bai ol i mekim i napim wan wan man husat bai yusim bilong wanem sapos wil sia i no inap long man i yusim, dispela i ken bagarapim helt bilong em.

PNG nau em i namba tu kantri long wol bihain long Sri Lanka long kisim

dispela ol spesol wil sia we ol i mekim long kantri Saina.

Nau yet 10-pela kain wil sia olsem em ol i givim aut long Lae long lukim sapos em inap stap na wok gut.

Kantri Dairekta bilong VSO, Dario Gentili i tok ol dispela wil sia bai helpim gut ol turangu lain long muv i go kam long ol rot ren i bagarapim we ol bipo wil sia i gat 4-pela wil i no inap ron long en.

Nau yet, wanpela bikpela hevi ol lain turangu i save bungim em taim ol wil sia i save bruk, i nogat man bilong stretim na i save hat wok moa long painim ol spea pat. Tasol wantaim ol dispela nupela wil sia, em i isi moa long stretim bek na painim ol spea pat bilong en. Bai i gat ol woksap i stap bilong stretim ol dispela nupela wil sia.



Paik agensim lidasip lo senis



BIKPELA luksave i mas go long olgeta wan wan man, meri, pikinini, pusi, dok, pik na olgeta abus i stap insait long kantri husat i bin penim, werim, flaim na draivim ol nesene! kala bilong yumi, ret, bilak na yelo. Yupela i soim tru tru pasin bilong yumi PNG long sanap strong baksait long kantri bilong yumi. Paitim klep long yu yet!

YES...wan wan taim sampela long yumi i save paul long kala bilong flek bilong yumi. Wanpela niusmeri i no isi long kolim ol kala ret, gold na yelo insait long ol nius ripot bilong em long wiken i go pinis. Mipela i save olsem ret na yelo o gold i stap. Tasol bilak i lus i go long wanem hap? Maski long senisim tumas yelo i go long gol. Wokim na yu paulim yu yet na kantri tu.

MASKI olgeta bikpela hap bilong mani bilong makim tripela ten krismas bilong kantri i bin go long ol samting i kamap insait long biksiti Pot Mosbi, ol arapela liklik taun na ples insait long kantri i bin amamasim dispela de tu.

SAPOS yu ritim pinis ol stori i stap long dispela pes, yu mas strongim tingting bilong yu na painim ol pepa bilong putim han mak bilong yu long stopim dispela tupela bil dispela tupela memba i laik tromoi long bikpela haus tambaran long mekim kamap lo. Lukluk long Wantok Niuspepa long painim ples bilong putim hanmak bilong yu.

PASIN bilong stil i strong yet! Wanpela bikpela hotel insait long Mosbi i wok long tuhat na hetpen long wara saplai long bikpela tang wara bilong em i save pinis klostu klostu. Ol i pret long ol ges i kam stap long ol rum bilong ol. Man, wara em i bikpela samting ya. Ol i singautim wara kampani Eda Ranu long sekim ol paip, na Eda Ranu i painimaut olsem ol wokman bilong hotel yet i wok long opim tep na lusim wara i ron. Taim wara i pinis, ol i save go kisim ol poroman kontrak lain bilong ol long karim wara i kam pulamapim bek. Bihain ol i go kisim selamani long hotel, go ausait na tilim mani namel long ol yet. Mipela save pinis. Lusim dispela pasin nau taso!!

Andrew Molen i raitim

TRENSPERENSI Intanesenel (PNG) na Papua Niugini Midia Kaunsil wantaim sapot bilong planti ol nara-pela bikpela ogenais-esen i traime nau long winim sapot bilong pablik long stopim tupela bil we ol memba bilong palamen i laikim i kamap lo.

Transperensi Intanesenel PNG (TIPNG) em ol lain husat i save strongim stretpela wok pasin, na Midia Kaunsil em ol lain i makim olgeta nius midia kampani insait long kantri. Dispela tupela lain bai wok bung wantaim Komuniti Kolisin Agensim Korapsen (CCAC) long traime kisim sapot bilong ol manmeri bai ol i ken kisim i go long Haus Palamen na tok agensim ol senis long lidasip lo long kamap.

Siaman bilong TI (PNG), Mike Manning i tok dispela tupela bil i no gutpela long kantri sapos ol i kamap lo olsem na olgeta manmeri i mas sapotim kempen bilong ol long stopim dispela ol bil long i kamap lo taim palamen i sindaun gen long Oktoba 25.

Sampela memba bilong Palamen i laik kisim tupela bil aninit long lidasip kod i go long palamen long kisim vot long ol na mekim ol i kamap lo.

Ol dispela bil em: 3. Long senisim Seksen 27 (5) (a) bilong Ogenik Lo i bosim wok bilong lida long rausim pawa bilong Lidasip Tribunal o Kot bilong Lida long rausim Memba bilong Palamen husat i brukim Lidasip Kod; na

4. Long apim mak bilong provinsel na distrik sapot grent moni long K500, 000 i go long K1,500, 000.

Memba bilong Western provins, Dokta Bob Danaya i tok orait pinis olsem em bai kisim petisen o pepa wantaim mak bilong ol pipel we TI (PNG) na Media Kaunsil i go pas long en i go long palamen taim em i sindaun long tok agensim dispela tupela bil.

TI na Media Kaunsil i no amamas long dispela ol bil na ol i no laik bai ol i kamap lo.



MIKE MANNING: "Fes taim insait long tri o foapela yia we yumi lukluk long kisim sampela moa mani i kam insait long kantri bilong wanem sampela gutpela wok bilong kontrolim mani long lukim olsem mani i no go nating long ol samting we i nogat gutpela plen na baset bilong ol.

"Dispela samting Mista Kumbakor i toktok long en bai mekim kantri i lusim mani mak olsem K89 milien na dispela bai inap long pinisim olgeta mani bilong kantri."

Mista Manning i tok as bilong nambawan bil we memba bilong Laigap-Porgera, Kappa Yarka i kamapim i tok, ol lida i bikman tumas na ol wok painim aut long ol rong i kamap long opis bilong ol i save westim taim bilong ol na taim ol i painim olsem ol i rong ol i noken rausim ol long opis.

Long namba tu bil we memba bilong Nuku, Andrew Kumbakor i kamap wantaim, TI (PNG) na Midia Kaunsil i bilip olsem ol dispela lida i laik painim rot long kisim planti mani bilong pablik bai ol i ken yusim long baim namba bilong vot bilong kempen long 2007 nesenele ileksen.

Mista Manning i tok long kain taim we gavman i hatwok tru long daunim pasin bilong yusim mani nating, dispela lo bilong apim mani bilong ol MP i no luk stret long kantri.

Em i tok gavman i wok strong nau long apim mani bilong kantri i go antap na kain samting olsem i ken bagarapim olgeta dispela gutpela hatwok.

"Fes taim insait long tri o foapela yia we yumi lukluk long kisim sampela moa mani i kam insait long kantri bilong wanem sampela gutpela wok bilong kontrolim mani long lukim olsem mani i no go nating long ol samting we i nogat gutpela plen na baset bilong ol.

"Dispela samting Mista Kumbakor i toktok long en bai mekim kantri i lusim mani mak olsem K89 milien na dispela bai inap long pinisim olgeta mani bilong kantri," Mista Manning i tok.

Em i tok dispela bai pinisim mani i bilong polis, infrastraksa o rot na bris na ol arapela samting we bai inap long apim gro bilong ikonomi bilong kantri.

"Planti bilong yumi i save tingting olsem PNG em i wanpela ris kantri husat i gat planti mani tasol trupela toktok em olsem, PNG i no ris kantri olsem na yumi mas stop long tingting olsem yumi gat planti mani.

"Na yumi i noken givim mani i go nating nating long ol pipel husat ol bai kisim i go aut long ol distrik we yumi save pinis long wanem samting i save kamap bipo we planti bilong dispela ol kain mani i no go long sastenabol developmen o ol samting we bai inap long kamapim sampela samting long laip bilong ol manmeri nating," Mista Manning i tok.

Long namba wan lo em i singaut strong long sapot bilong olgeta manmeri long dispela i noken kamap lo.

Sif eksekutiv Opisa bilong TIPNG, Marcus Pelto i tok dispela tupela bil bai kamap lo bihain long palamen i vot long ol tupela taim.

"Nau mipela i laik kisim planti sapot long traime na pasim dispela tupela bil long kamap long taim palamen i sindaun long Oktoba 25.

"Long dispela as yumi mas stat wok nau long kisim mak bilong ol manmeri long soim sapot bilong ol agensim dispela tupela bil," em i tok.

Mista Pelto i tok ol i mekim dispela kempen bai i soim olsem ol pipel bilong PNG i was long wanem samting ol i



PROFESA JOHN NONGORR: "Planti manki i nogat skul na raun long rot, ol manmeri i nogat wok na i stap na dispela bai i no inap long helpim wanpela samting."



PETER AITSI: Presiden bilong PNG Midia Kaunsil i tokaut olsem ol niuspepa bai karim ol pepa we ol manmeri bilong pablik i ken putim han mak bilong ol long sapotim dispela askim long Palamen i noken luksave long ol dispela tupela senis.

mekim long haus palamen.

TI na Media Kaunsil i bilip strong olsem dispela tupela lo sapos i kamap, bai i bagarapim sindaun

bilong kantri na ol pipel.

Profesa John Nongorr bilong TI tu i tok dispela bai bagarapim laip bilong ol pipel.



STRONGIM KONA: Atis Martin Lance husat i bin penim piksa bilong ol pes bilong olgeta cream ministia i bin go pes long kantri bilong yumi i bin kisim planti kain lok kros long dispela piksa bilong em. Nau em i tok kua long as tingting long em i penim dispela piksa. **LUKIM STORI BILONG EM LONG PES 8.**

PHOTO: ANDREW MOLEN

Buin pipel laik wok bung long developmen

Aloysius Laukai i raitim

OL pipel bilong Buin i wanbel pinis long wok bung wantaim ol lida husat ol bin makim ol long ol posisen bilong atoriti long Otonomes gavman na nesene level bilong developim Sauten Otonomes Rijen bilong Bogenvil.

Ol pipel i wok long holim ol kibung na ol i kamapim pinis ol plen long ol wok eria we Otonomes Gavman i ken lukluk nau long em.

Wanpela grup i gat long em 5-pela Otonomes Bogenvil Gavman memba na 20 voluntia i kam long Nesenel gavman na Praivet sekta i karimaut wanpela aweanes long Buin bilong skulim ol pipel long ol samting we ol i mas mekim long developim Buin na olgeta Saut Bogenvil olsem wanpela Otonomes rijen.

Grup ya i bin lusim Buka long las Trinde na brukim ol yet long tupela grup long etresim sampela ol wari long ol eria ol i makim pinis long ol.

Namba wan grup i bung pinis wantaim ol sief bilong Buin

long Buin Hai skul hal las wik

Grup we i bin bungim ol Me'ekamui lain long Lairua i bin toktok long ol lida long rotblok long givim bek kas bilong ol polisman long Buin we ol bin kisim long rotblok tupela wik i go pinis.

Ol Me'ekamui lain i bin wanbel long wok bung wantaim ol atoriti long developim Saut Bogenvil Rijen.

Mausman Jack Mairi i bin tokim Wantok olsem ol bai go het long sekim na monitaim muvmen bilong ol kago we i egensim lo bilong karim ol kain kago olsem hombru, bia, na strongpela marasin nogut long Buin haiwe.

Em bin mekim klia olsem ol bin kisim polis ka long long sekpoim bikos komanda bilong ol polis i bin wokim sampela kain komen long redio i sut long sekpoim long Leuro.

Mista Mairi i tok Mekamui grup long Buin i sapatim ol pipel i wokabaut fri tasol wanpela samting i bin kamap na ol i kirapim bek ol rotblok.

Kabui salensim ol PNG lida long wok gut

Aloysius Laukai i raitim

OL lida long PNG i kisim salens long kamapim gut level bilong laip bilong ol pipel.

Presiden bilong Bogenvil Otonomes Gavman Joseph Kabui i bin wokim dispela salens long 30 independens aniveseri toktok bilong em.

Bogenvil i bin luksave long Septemba 16 wantaim ol selebresen ol wan wan distrik, skul na ples i bin holim wantaim fleg resing seremoni na ol polis mas.

Presiden Kabui i bin tok PNG i wok long bungim hevi long korapsen i kamap long olgeta level bilong gavman na pablik sekta.

Em i tok Bogenvil i mas lainim long asua i kamap long PNG na aninim long otonomes gavman, em bai stretim ol dis-

pela samting we i daunim PNG i go daun olgeta.

Em i tok PNG i gat planti mani i kam long ol planti maining kampani insait long kantri, kopi, raba, welpam, kakau na kokonas plantesin tasol nogat man i save dispela mani i go we. Na ol pipel i stap long hevi na sot long samting.

Em i tok salens i stap nau long han bilong ol lida husat nau i mas bihainim stretpela rot na lukiuk tu long Bogenvil taim em i wok long kamapim ol developmen long apim stendet bilong laip bilong ol pipel bilong em.

Em bin tok Bogenvil bai go het long mekim wok long developmen o ol wok go het long PNG, maski em i kisim pinis Otonomes Gavman moa pawa na i sot long liklik mak tasol long kisim independens.

Long wankain taim tu, Bos bilong Buka taun em Meya Chris Hakena taim em i tok tenkyu long ol papa i bin kirapim ol faundesen o as long PNG olsem wanpela independen kantri, i bin singaut long ol Bogenvil pipel long yunait olsem wanpela pipel na wok bung wantaim long sapatim na strongim nupela Otonomes Gavman bai go het na karimaut ol wok bilong ol.

Em bin tok i nogat moa taim bilong driman na ol pipel i mas wok hat na sapatim nupela Otonomes Gavman bilong ol.

Em i tok i no mas gat pasin long haitim samting na wokim ol samting long ples klia long olgeta level bilong gavman na moa bisnis man bai i laik kam wok long Bogenvil.

• LUKIM moa toktok bilong Kabui long ABC nius Pes 26.



SANS KAR YA: I no olgeta taim bai yu win long ol resis. Teddy Matama, wanpela man Koiari i stap long Mosbi i bin kirap nogut tru taim em i harim nem bilong em i pairap long redio olsem em i winim wanpela 4 x 4 Toyota Hilux.

"Man, mi bin harim redio na em i ren tu, na mi no harim gut. Mi harim redio man i kolim nem 'Teddy' na bihain em i kolim 'Matane'. Tasol bihain ol lain i kam tokim mi olsem mi win," Teddy i tok.

Teddy i bin tromoi K50 na baim wanpela tiket long dispela resis we Hideaway Hotel, Ponderosa Hotel na Lizard Lounge insait long Mosbi i lukautim. Maski em i nogat laisens, Teddy i kisim wanpela poroman bilong em long draivim kar. Wantok Niuspepa i bin toktok wantaim Teddy husat i amamas nogut tru na tok olsem em i save traim ol kain kain resis bilong winim kar, na nau tasol em i laki tru long makim Independens wantaim dispela nupela kar.

Stori/poto: NEVILLE CHOI



Sharzy raun long Bogenvil



LAKI NO MOA: Joyce na Alicia i tupela laki meri i sanap wantaim Sharzy long Kenny's Hal long konset bilong em.

BIKNEM Musik man bilong Solomon Allan Sharzy i bin wokim raun bilong em long singsing long Bogenvil olsem hap bilong selebretim 30 independens aniveseri bilong PNG.

Het tok long wokabaut em "Peace Tour to Bougainville" o wokabaut long kamapim gutpela tingting long Bogenvil. Raun bilong em i bin stat long Arawa taim long Finde nait, em bin wokim konset long Tupukas

Praimeri skul. Taim ol i kamap long Buka, ol bin wokim laip konset long Hutjena gavman stesen na long Kenny's hol. Long sande.

Man husat i bin go pas long stretim ol samting bilong wokabaut em Sam Kauona, raun bilong Sharzy bai go long ol skul long Bukas Allan, bikples Bogenvil na tu, Siwai long sauten Otonomes rijen bipo wokabaut bilong ol i pinis na ol i kisim moto i go bek long Solomon Allan long Septemba 29.

Didiman helpim gut ol fama long Is Nu Briten

Maisan Pahun i raitim

WOK bilong gavman em bilong givim sevis na harim kraib bilong ol pipel na karim sevis i go long pipel long ples bai ol i ken yusim.

Olsem long Is Nu Briten Provins yet, wok sevis bilong gavman long halevim ol pipel i winim ol narapela provins insait long kantri.

Tupela lokol level gavman bilong Is Nu Briten provins i go het pinis long kamapim agrikalsa fil de insait long distrik bilong ol.

Gazelle na Bitapaka i kamapim agrikalsa fil de bilong ol pinis na bekim bilong em ol Duke of York ailan bai kamapim bilong ol long dispela mun.

Ol dispela agrikalsa fil de em bipo ol agrikalsa ogenaesen olsem Nesanel Agrikalsa Risets

Institut (NARI), Dipatmen bilong Agrikalsa (DAL) na Kakau Kokonas Institut (CCI) i save kamapim long ol distrik. Tasol nau ol pipel yet wantaim ol lida bilong ol i laik kamapim na ol agrikalsa ogenaesen i kam putim ol samting long skulim gut ol fama na ples lain.

Training menesa bilong CCI Malaika Tabar tu i tok dispela ol fil de i soim olsem ol pipel i laikim agrikalsa save i kam long dua bilong ol stret na i no bai ol i go painim save long ol ples longwe.

"Bipo em mipela ol didiman i save putim fil de na ol pipel i save kam lukim tasol nau ol pipel yet i kamapim fil dei na mipela ol didiman i kam givim ol save bilong agrikalsa," Mista Tabar i tok.

Planti moa long 1000 manmeri i kam lukim na kisim save long

wok agrikalsa long Bitapaka distrik fil de. Ol agrikalsa ogenaesen olsem Agmark, Vunabosco Agrikalsa skul, Vudal Yunivesiti, CCI na NARI i kamapim na putim ol so we ol manmeri i lukim na kisim planti save.

Ol lain bilong CCI we ol i save wokim risets o wok painimaut na lukautim kakau na kokonas insait long kantri i kamapim planti samting long dispela so long wei bilong groim, lukautim na prosesim gut kakau na kokonas.

Wanpela samting ol CCI i wokim em ol i soim ol pipel long mekim wel long kokonas. Wel bilong kokonas em i gutpela long wokim kain kain samting. Yu ken wokim wel bilong putim long gras, kuk na yusim long kain kain rot. Long sampela hap tu ol i save yusim kokonas wel long ronim ol kar.



PAINIMAUT MOA: Ol sumatin na arapela manmeri i askim long save moa long wok didiman.



BAIM PIKININI KAKAU: Dispela didiman fil de em i sans long baim ol nupela kain pikinini kakau na ol arapela kain kes krop.



SOIM KALSA: Ol liklik manki bilong Utmei Sekenderi i danis long makim Indipendens.

Utmei Hai skul kisim halivim long Gavana Dion

Maisan Pahun i raitim

UTMEI Sekenderi Hai Skul klostu long Baining maunten i bin kisim bikpela sapot na halivim i kam long Gavana bilong Is Niu Briten Provins Leo Dion.

Mista Dion i givim K10,000 i go long Siaman bilong Utmei sekenderi skul long halivim skul go het long wokim mentenens long ol haus skul bilong ol.

Siaman bilong skul Hosea Turbarat i tok tenkyu long gavana na tu i tok amamas bikos dispela em wanpela gutpela Indipendens presen i kam long skul.

Dispela halivim bilong Gavana Dion i bin kamap long taim Utmei Sekenderi Skul i

kamapim tripela de Indipendens fan resing so long amamasim kantri Papua Niugini.

Mista Dion i tok tu olsem aninit long dispela Gazelle Restoresen Program planti wok senis i wok long kamap na bikpela moa yet long em i dispela rot netwok we i go insait pinis long planti ol ples.

"Gavman bilong mi nau i lukluk long kisim pawa i go long ples we ol i no kisim pawa yet. Yumi mas amamas tu olsem i gat gutpela fanding i kam long ol ovasis ogenaesen olsem Wol Beng, AusAID na ol narapela dona ejensi bikos ol i gat bilip long ol lida bilong yumi," Leo Dion i tok.

Utmei Sekenderi i stap klostu long ol maunten bilong Baining na planti gavman sevis em i no

stap olsem helt sevis, polis stesin na stoa nambaut.


"Ol Baining pipel mas amamas olsem dispela skul i stap long wanpela gutpela posisen we gavman sevis em i hat long kam insait.

Rot siling program i kam stop long Vunapaling na bikos dispela skul i stap long hia, bai kolta rot i kam yet insait long hia," Mista Dion i tok.

Long taim bipo i nogat rot na sapos yu laik go long inlen Baining o Utmei bai yu mas wokabaut olsem wanpela de long Vudal i go long Utmei.

Tasol nau aninit long Gazelle Restoresen Program rot sevis i bungim planti ples pinis na wet tasol long kolta long go antap.

Is Nu Briten amamasim Indipendens



IS NU BRITEN i bin amamasim independens wantaim ol kain kain stail bilas ol i putim antap long ol kar i makim ol bisnis insait long provins. Dispela em ol piksa i kam long HENRY ISICAR long Kokopo.

Sepik kisim nupela mobail fon sevis

Andrew Molen i raitim

OL pipel bilong Is Sepik nau i gat nupela Mobail telepon sevis bihain long Praim Minista Sir Michael Somare i opim long Tunde dispela wik.

Sekreteri bilong Fainens Thaddeus Kambane na bosman bilong Telikom Martin Vaisame i tokaut long dispela aste taim ol i soim nupela sek bilong K600, 000 bilong helpim wok bilong mobail telepon sevis long hap i go het.

Dispela nupela sek i senisim olupela sek we i bin kamapim stori long wanpela niuspepa olsem sek ya i bin "Bounce" bek bihain long Sir Michael i

givim i go long Telikom.

Mista Kambane i tok olsem sek i no bin "Bounce" tasol ol i stopim peimen bilong dispela sek long stretim rot bilong en long wanem hap mani bilong dispela sek i kam long en.

"Wanem samting i kamap em olsem, sek ya i no bin 'Bounce', mipela i pasim bai ol i noken kisim moni long en bilong wanem mipela i laik stretim gut rot bilong sek ya," Mista Kambane i tok.

Em i tok olgeta wok i go het yet na Praim Minista yet i opim dispela sevis aste.

Long aste Mista Kambane i givim nupela sek wantaim wankain mani mak olsem olupela sek i go

long Mista Vaisame long Pot Mosbi.

Toktok bilong sek i "Bounce" i kamap long wanpela niuspepa we i tok olsem sek bilong K600, 000 we Sir Michael Somare i givim i go long Telikom long kamapim ol wok bilong mobail fon sevis long ol eria insait long Is Sepik provins tasol dispela sek i bin "Bounce" o ol i no i nap rausim mani long en.

As bilong pasim peimen bilong dispela sek em bilong wanem mani i kam long en em ol i kamapim long "Sepik highway trust" akaun bilong provinsel etministresen na long yusim long hia i brukim "Deed of Trust" o tok orait bilong dispela hap lo bilong dispela akaun.



EM NAU: Sekretri bilong Fainens, Thaddeus Kambane na Bosman bilong Telikom PNG Martin Vaisame i holim sekmani we bai i kirapim wok bilong sanapim mobail sevis long Is Sepik.

Pepa ya i tok Yangoru Sausia memba bilong palamen, Peter Wararu Waranaka i mekim tok promis long ol pipel olsem em bai kisim sevis i go long ol long Septemba 19 stret tasol dispela i

no kamap.

Wantok Niuspepa i painim aut long maus bilong Mista Vaisame na Mista Kambane olsem dispela sevis i kirapim pinis long Is Sepik we Sir Michael yet i stap na i opim.

Manam Pipel kisim helpim long Red Kros

Michael Novingu i raitim

OL MANAM Ailan pipel husat i bin ronawe long maunten paia na stap long ol kea senta

bai kisim gutpela helpim long wokim haus wantaim sapat bilong Papua Niugini na Intenesenel Red Kros.

Las wik Papua Niugini Red Kros Sosaiti na Intenesenel

Federesen bilong Red Kros i kam gut long lon-sim hausing projek bilong ol Manam Ailan pipel i stap long tripela kea senta long Bogia.

Lonsing i bin kamap long Mangem kea senta

we moa long 500 manmeri i bin bung long lukim opim bilong dispela projek.

Siaman bilong PNG Red Kros Sosaiti Bernard Lukara i bin toktok long ol pipel

bilong Manam na tokaut olsem ol bai helpim long givim diwai, lip saksak, morata, limbun na ol arapela samting bilong wokim haus. Ol pipel yet bai kirapim haus bilong ol.

Dispela haus projek i kamap bihainim wanpela wok painimaut we ol pipel bilong Manam i kisim bagarap long maunten paia i stap aninit long selhaus i ken kisim sik.

Dispela em sotpela taim haus projek bilong ol we i ken kamapim gutpela sindaun bilong ol, Mista Lukara i tok.

Mista Lukara i singaut long ol arapela patna na ol pipel long bikples Bogia long wokbung wantaim Red Kros long lukim dispela projek i mas go het.

Em i tok Red Kros i gat wanpela tingting tasol long helpim ol trangu pipel bilong Manam na bai ol tu i ken kisim gutpela sindaun.

Usino sab distrik gat gutpela selebresen

MOA long 500 manmeri i kam bung long Usino sab distrik long amamasim namba 30 krismas independen aniveseri bilong kantri.

I bin gat ol kain kain stail tumbuna na ol kain kain pilai olsem soka, volibol na basketbol. Na tu, kros kantri na baisikel resis i kamap long amamasim dispela bikpela de bilong yumi.

Memba bilong Usino Bundi Peter Yama i opim dispela bung na tokim ol pipel, "yumi bin kisim independens long Australia long gutpela rot wantaim nogat pait, nogat blut i kapsait na isi tru long tripela ten tri yia i go pinis."

"Dispela independens yumi kisim i nogat senis i kamap. Yumi stap wankain tasol. Bai yumi mekim wanem long bringim senis i kam long ol provins na distrik bilong mipela?"

"Yumi ol manmeri bilong dispela kantri i tok yumi kisim independens pinis, tasol wanem kain senis yumi kamapim pinis? Nogat tru," Mista Yama i tok.

"Mipela i bin gat 6-pela Praim Minista insait long 30 yias na ol dispela praime minista i no kamapim gutpela wok. Yumi noken sindaun na wetim gavman i givim yumi samting, tasol yumi mas wok hat long groim na kamapim kakau, kopra, vanilla na ol arapela samting we bai kamapim gutpela sindaun na tu, bringim sevis i go long ol komyuniti bilong yumi," Mista Yama i tok.

komyuniti.

Dispela em toktok bilong Sumkar memba bilong Nesenel Palamen na Minista bilong Difens Mathew Gubag, taim em i toktok long ol pipel long Bargam Klasa so long Karkar Ailan, Madang provins las wik.

"Yumi mas wok hat long rabim graun long skin bilong yumi long kisim mani long lukautim sindaun bilong yumi. Yumi noken wetim gavman long givim yumi samting. Dispela em i pasin bilong ol les manmeri," Mista Gubag i tok.

Em i tok Madang provins i gat bikpela namba long kamapim kakau na kopra we ol pipel yet i wok hat long bringim gutpela nem bilong mipela long dispela bisnis," Mista Gubag i tok.

Kirapim wok long graun na sindaun gut

Michael Novingu i raitim

WOK hat long graun bilong yu bai kamapim gutpela sindaun insait long



Air Niugini

RESUMPTION OF AIR NIUGINI'S DH8 SERVICES TO WAPENAMANDA EFFECTIVE MONDAY 03 OCTOBER, 2005

AIR NIUGINI IS PLEASED TO ANNOUNCE THE RESUMPTION OF THREE WEEKLY DH8 SERVICES TO WAPENAMANDA EFFECTIVE MONDAY 03RD OCTOBER, 2005.

THE DEPARTMENT OF CIVIL AVIATION (CAA) HAS RE-OPENED THE RUNWAY TO DH8 AIRCRAFT AFTER NECESSARY MAINTENANCE WORK ON THE RUNWAY HAS BEEN COMPLETED.

THE THREE WEEKLY DH8 FLIGHTS WILL OPERATE ON THE FOLLOWING DAYS:

**MONDAYS AND WEDNESDAYS
PX990 0900 POM WBM 1025
PX991 1050 WMB POM 1215**

**FRIDAYS
PX990 1110 POM WBM 1235
PX991 1300 WBM POM 1425**

ALL INTENDING TRAVELLING PUBLIC ARE ADVISED TO CALL AT YOUR NEAREST AIR NIUGINI SALE OFFICES FOR RESERVATION AND PURCHASE OF TICKETS.

Graun man bilong Asaro pulim yangpela meri Itali

James Kila i raitim

WANPELA yangpela meri bilong kantri Itali long Yurop i bin lukim driman bilong em i karim kaikai taim em i bin kamap long Goroka Kalsaret So long wiken i go pinis.

Bikpela driman bilong dispela yangpela meri Itali, nem bilong em Valentina Battiato em long lukim na tasim ol dispela lain graun man o long tok Inglis ol i kolim ol mad men bilong Asaro.

Ol dispela lain i save penim skin bilong ol long graun na i save putim wanpela kain mask antap long het bilong ol na danis isi isi olsem ol porek o birua man, dispela kalsa bilong ol lain graun man bilong Asaro i save pulim tingting bilong planti turis long wol.

Valentina i tok em i bin save long ol Asaro graun man nambawan taim tru bihain long em i lukim piksa na riim stori bilong ol insait long wanpela buk.

Dispela piksa na stori i kirapim tru bel bilong dispela yangpela meri na em tok promis long em yet olsem wanpela taim em bai krungutim as ples bilong ol dispela graun man bilong Asaro na kisim piksa wantaim ol na tu holim skin bilong ol.

Valentina i tok em i bin harim stori bilong Goroka So long sampela ol lain wantok bilong em husat

i bin kam raun long Isten Hailans na lukim dispela so pastaim.

Ol poto ol i karim i go soim em i kirapim tru bel bilong em na dispela stail resa meri i tok wanpela taim em yet bai go long Papua Niugini na lukim stret Asaro graun man.

Valentina i stori tu olsem taim em i wok long stretim rot bilong em long raun i kam long PNG Kandere meri o anti bilong em Anna-Maria tu i lukim na em i tokim Valentina olsem em tu i laik kam wantaim em long PNG.

Long wiken i go pinis, Valentina wantaim anti bilong em Anna-Maria i bin amamas tru taim ol i sanap wantaim ol lain Asaro graun man bilong liklik ples Komunive.

Dispela ples Komunive long Daulo distrik long Isten Hailans em as ples tru bilong ol Asaro graun man.

Nau yet insait long kantri planti ol grup bilong Hailans i save stilim dispela pasin kastom bilong ol lain Komunive na yusim graun long mekim ol mad man long amamasim ol turis. Valentina wantaim kandere meri Anna-Maria long wiken i go pinis, i lukim trupela graun man bilong Asaro. Tupela i kam olgeta long kantri Itali long lukim Goroka So tasol.



MERI ITALI: Valentina Battiato i penim pes na amamas long Goroka So.



GRAUN MANI Ol dispela lain tasol i bin pulim Valentina i kam long PNG.

Ol narapela turis husat i bin go lukim Goroka So i bin kam long ol kantri olsem Jemani, Amerika, Siapan, Taiwan, Australia na Nu Silan. Valentina i tokim Wantok Niuspepa olsem em wantaim kandere meri bilong em bai stap tepela de insait long kantri. Bihain long Goroka So, tupela bai go long Ambua Lods long Tari long Sauten Hailans na bihain ol bai raun i go

long Maunten Hagen na bihain ol bai go bek long Itali.

Wanpela gutpela stori Wantok Niuspepa i kisim em olsem wanpela grup turis bilong Amerika i bin starim wanpela balus bilong Airlink long Madang na balus ya i karim ol i go antap long Goroka long lukim Goroka So.

Ol turis ya i bin go antap long Sande we i bin las de bilong so.

Taim balus i kamap long Goroka ol turis ya i tokim pilot wantaim balus long wetim ol i stap na ol lain ya i go raun raun long so. Bihain long apinun ol turis ya i go kalap gen long balus na flai i go bek long Madang.

Lukim moa stori na ol piksa bilong Goroka So long LAIP-STAIL PES 19

Katolik Sios makim Golden Jubili long Sauten Hailans

Timon Henry i raitim

MAUSMAN bilong Mendi Katolik Sios, Bisop Stephen Reichert i singaut long olgeta sios long wok bung wantaim long daunim moa hevi i wok long bagarapim Sauten Hailans provins.

Bisop Reichert i mekim dispela toktok long Sande bihain long planti manmeri i bin bung long Kumin Peris long Mendi long makim faivpela ten (50) Golden Jubili Selebresen bilong Katolik Sios insait long provins.

"Insait long selebresen bilong 50 yia Jubili bilong mekim wok wantaim Katolik Sios long

provins, mi askim olgeta sios insait long provins long wok wantaim lida na ol memba long kam bungim han na wok bung wantaim long promotim pis na hamoni o bel isi insait long provins," Bisop Stephen i tok.

Em i tok tu olsem olgeta brata sios i mas putim Jisas i go pas na wok hat long daunim ol kain hevi i stap namel long komyuniti na sios long bung wantaim long stretim ol dispela hevi olsem ol traibel pait, reip, drak na sik HIV/AIDS.

Planti moa we provins lukluk long en tude em i tokim moa long 15,000 tausen manmeri husat i bin kam bung long dispela selebre-

sen long noken pait na wokabaut olsem Jisas i soim yumi wantaim ol aposel bilong em.

"Mipela yet i sios na mipela yet i bodi bilong Kraus, olsem na yumi i no inap long pait na kros wantaim brata susa bilong yumi yet."

"Long dispela taim bilong Jubili mipela i no inap kros, jeles o belhat, yumi mas laikim wanpela narapela olsem brata na susa, maski yumi bilong wanem hap o wanem ples o sios," em i tok.

Bisop Stephen i makim dispela spesol de tu long tok sori i go long ol arapela ples

insait long provins long wanem tok baksait o hevi wantaim Katolik Sios o lida bilong narapela sios.

"Long makim maus bilong Katolik Sios, mi tok sori long ol arapela sios bilong dispela provins long wanem kain tok i bin kamapim i no gutpela long sait bilong pasin bilong bilip na lotu. Mi askim yupela long lusim rong bilong mipela," Bisop Stephen i tok.

Bisop Clarence Kapali bilong Yunaitet Sios tu i bin stap wantaim ol arapela sios lida husat i bin kamap long sindaun long dispela selebresen na ol i givim bikpela tok amamas long dispela Golden Jubili bilong Katolik Sios.

It's Your Last Chance, Buy Now! Offer Ends 30th September

Available for Immediate Delivery anywhere in PNG

INDEPENDENCE OFFER

E40XHML-R

- 40hp Enduro
- 2 Cylinder, 2 Stroke engine
- Tiller Handle Manual Start
- Fitted with Overheat warning device

Special Price

K8,990

Price Includes GST

Ela Motors

 Powering the Nation

Port Moresby... Ph 3229400	Kimbe.... Ph 9835155	Wewak.... Ph 8562255
Lae..... Ph 4781800	Lihir..... Ph 9864099	Madang.. Ph 8522188
Kokopo..... Ph 9829100	Buka..... Ph 9739915	Tabubil... Ph 5489060
Kavieng..... Ph 9842788	Vanimo... Ph 8571254	Alotau.... Ph 6410100

Offer Expires: 30 / 09 / 2005 or While Stocks Last!

Hailans noken bikhet long Mosbi

Andrew Molen i raitim

OL Hailans i noken bikhet na mekim nabaut long Pot Mosbi siti.

Dispela em i toktok bilong Stanley Kawa, wanpela man bilong ples Erave long Sauten Hailans provins.

Mista Kawa i tok em i no amamas long ol bikhet pasin we planti lain bilong Hailans i save mekim long ol manmeri bilong Papua na ol arapela provins husat i stap insait long siti.

"Mipela olgeta em biknem Hailans tasol mipela i kam long wan

wan ples na bikhet bilong sampela i save givim nem nogut long mipela olgeta," Mista Kawa i tok.

Em i tok Pot Mosbi em i namba wan bikpela siti bilong Papua Niugini tasol ol i noken tingim dispela na kamapim ol kain kain bikhet pasin.

"Em i kapitol siti bilong PNG tasol em i stap long graun bilong ol Papua olsem na yumi ol Hailans i mas soim respek long ol asples pipel.

"Kain pasin olsem pulim bilum na bikhet long ol meri em i no gut-pela na i mas pinis," Mista Kawa i tok.

Mista Kawa husat i wanpela "Fonetobowi" o hetman bilong toktok long ples bilong em, i tok bai yu no i nap lukim wanpela man o meri long narapela ples i kam na bikhet raun long Hagen o Goroka o Simbu o wanem hap long Hailans.

"Ol i save stap isi na stap gut olsem na yumi tu mas mekim wanpela taim yumi kam stap long ples bilong ol," Mista Kawa i tok.

Mista Kawa i singaut tu long ol lida bilong wan wan ples long tok-tok long ol pipel bilong ol long kamapim gut-pela sidaun na noken mekim ol bikhet pasin we i save bagarapim nem bilong ol Hailans insait long siti bilong wanem dispela i no gut-pela na i save bagarapim lukluk na sidaun bilong ol insait long komyniti.

"Yumi lusim ples longwe na kisim balus i kam, dispela em i ples bilong ol na ol i stap hia olsem na luksave i mas

i go long ol," Mista Kawa i tok.

Em i tok tu olsem ol mama papa i mas tok-tok long ol pikinini bilong ol na skulim ol long pasin bilong harim tok na stap gut.

"Rispektim ol papa graun, noken bikhet long ol meri Papua na kros pait wantaim ol man na ol narapela," Mista Kawa i tok.

Em i tok em i lukim dispela kain bikhet pasin i go na em i nap pinis.

"Mi laik bai mipela ol Hailans i mas sindaun gut wantaim ol lain long nambis na kain bikhet pasin na sakim tok i save bagarapim sindaun bilong yumi olgeta i mas pinis," em i tok.

MERCURY IS DANGEROUS AND ILLEGAL TO CARRY ON FLIGHTS!

YOU CAN SAFELY & LEGALLY TRANSPORT MERCURY AS CARGO!

FACTS ABOUT MERCURY & HOW TO TRANSPORT AS CARGO*

- ✓MERCURY is poisonous to humans ✓MERCURY must not be brought to the Airport Terminal
- ✓MERCURY is destructive to aircraft ✓MERCURY can only be sent as cargo ✓MERCURY must be declared
- ✓MERCURY must be labelled ✓MERCURY must not be taken unpacked to Cargo
- ✓MERCURY must have correct inner & outer packaging before declaration
- ✓MERCURY will be refused by Cargo if improperly packaged
- ✓MERCURY costs little to correctly prepare for Air Cargo

For further information about passenger safety please contact Air Niugini



Air Niugini

*NOTE: Should you choose not to follow the above requirements, your action can cause you to be fined or end in jail (7 years) as determined by Civil Aviation Law.

Tok klia long piksa bilong ol Praim Minista

Paulus Tali i raitim

I GAT sampela toktok i kamap long piksa bilong ol praime minista bilong kantri long tripela ten kris-mas i go pinis i stap long wanpela traipela sain bot long Erima klostu long Jacksons ples balus long Pot Mosbi na man i penim piksa ya i laik stretim tingting bilong ol lain i tingting kranksi long en.

Martin Lance, man atis husat i penim dispela piksa i tok planti lain manmeri i tingting olsem em i no penim piksa ya gut bilong wanem em i soim pes bilong Sir Rabbie Namaliu i stap long antap na Sir Michael Somare wantaim ol narapela i stap daunbilo long em.

"Mi droim dispela long samting mipela i save kolim long ats olsem 'Pespektiv.

"Sir Michael i stap long daunbilo bilong piksa bilong wanem em i stap long fran na Sir Rabbie i stap long baksait olsem na em i luk olsem em i stap long antap," Martin i tok.

Em i tok sapos yu sanap longwe na lukluk long piksa bai yu inap long lukim gut piksa.

Martin i tok tu olsem Sir Michael i stap long daunbilo tu i makim olsem em i namel pos bilong kantri i sanap na em i wok long karim kantri i stap.

Martin em bilong Lufa long Isten Hailans provins, na em i bin pinisim skul na kisim pepa bilong em long visuol ats long UPNG long 2001 na betseta digri bilong em long 2003 long ats design.

Long 2005 em i rejistaim wok bilong em wantaim Invesmen Promosen Atoriti (IPA) olsem "Kolim Art Design Stand".

Em i singaut tu long gavman long i mas sapotim kain ol sain olsem long promotim ol ats, na promotim dispela indastri, long kantri i mas go het, bilong wanem ats na disain tu i save pulim ol turis i kam long PNG.

Ol namba wan bikpela lida man bilong PNG i bringim yumi kam long namba 30 anevesari bilong kantri.

Nau sapos yu draiv i go olsem long Jacksons ples balus long Pot Mosbi bai yu lukim wanpela bikpela sain bot wantaim bikpela kala piksa bilong pes bilong ol djspela lida bilong kantri bilong yumi stap long en.

Mista Lance i askim husat i no amamas long dispela long toktok wantaim em long telepon 326 2958 o long mobail 688 9699.

Wokbung kamapim gutpela kaikai

Veroniva Hatutasi i raitim

KARIMAUT wok bilong sios, famili na lukautim na mekim ol lain bilong ol

narapela ples i raun i go long ailan kantri bilong ol i pilim amamas em ol yet ya.

Dispela em ol meri long Kuk Ailan, wanpela liklik wansolwara Ailan kantri long Pasifik, klpstu long Nu Silan.

Long wanpela wik, stat long Sarere Septemba 10 inap long de namba 19, Wol Asosiesen bilong Kristen Komyunikesen Pasifik rijen (WACC-PAC) i bin holim kibung bilong ol long Avarua insait long biktaun Rarotonga we Meri Wantok i bin stap tu long en. Na dispela konferens i bin soim long ples klia piksa, hatwok na gutpela wok pren na lukaut moa yet, bilong ol Kuk Ailan meri na pipel.

Ol Kuk Ailan meri i gat strongpela tingting na wok hat long kamapim gut wok long famili na komyuniti bilong ol. Na ol sios, komyuniti na ol arapela grup i gat gutpela wokbung we i kamapim gutpela kaikai na senis.

Meri Wantok i bin kisim ol toktok long sampela mama long ol wok na laip bilong ol.

Nga Teao i wok olsem Dairekta bilong Sosel Sevis Afeas wantaim gavman bilong Kuk Ailans.

"Mi amamas long gutpela sapat mi kisim long skruim wok long eria bilong mi. Bikos long ol kain senis

i kamap long ol famili na laip bilong ol yangpela tude, yumi ol papama ma i noken givap. Yumi mas strong long beten na kamap olsem gutpela piksa long ol pikinini. Maski mi go aut long wok long Rarotonga, mi mas kam bek long Sarere bikos olgeta Sande, mi mas kamapim haf awa sios progrem long redlo long givim sampela spirituel kaikai long ol yangpela na pablik," Misis Teao i tok.

Matangaro Taripo i gat 65 kris-mas tasol em i wanpela strongpela bubu mama i stap insait long Avarua Kuk Ailan Kristen Sios (CICC) grup bilong ol meri.

Wok bilong em wantaim ol meri i kisim em long planti hap long tok-tok na tu, makim meri grup long viles na peris bilong em long ol arapela hap bilong ailan.

"Mi amamas long stap long meri grup bikos mi lainim planti gutpela samting long go hetim gut laip na famili na komyuniti bilong mi. Bikpela samting tu em long helpim ol arapela meri long grup na viles na sios," Mama Matangaro i tok.

Meri Wantok i bin raun i go long haus bilong em na lukim planti naispela henkraf na ol arapela bilas we mama ya i lainim insait long meri sios grup na wokim long putim na bilasim haus bilong em. Planti taim tu, mama Matangaro i save lukautim ol bikpela selebren olsem bonde, marit na ol arapela wok ol meri i laik putim kamap long haus bilong em.



SINDAUN NA HARIM: Lain long skul Minista long Takamoa Tiolojikel Kolis long Avarua, Rarotonga, em namba tu olpela Tiolojikel Kolis insait long Saut Pasifik, ol sumatin meri na man long opening bilong WACC-Pasifik Jenerel Asembli bung.

Ititau Mare i meri bilong Minista Nio Mare bilong Avarua CICC long Rarotonga.

Ititau i go pas long ol mama na ol i wok gut long sapatim sios wok, lainim long wokim ol kain naispela henkraf, sea wantaim long ol sosel na famili laip eria na lukautim ol ausait lain i go long ol bung insait long Rarotonga.

Wanpela samting i kamap long ples klia em, i gat luksave long gutpela wok na lukaut we ol meri grup long Avarua CICC i givim, long ol askim ol i kisim long lukautim ol grup i holim ol bikpela kibung long Rarotonga.

Na ol i wokim dispela long trupela spirit bilong lukautim ol pipel bilong narapela hap wantaim amamas ol meri na pipel yet long Kuk Ailan i gat nem long en. Ragbi tim bilong yumi long PNG i bin lukim gutpela lukaut bilong ol Avarua mama taim ol bin go long hap long stat bilong dispela mun na ol mama ya i lukautim ol wantaim kaikai na gutpela pasin bilong amamas na singsing wantaim.

Tru, sampela taim bai i gat bel kros namel long ol meri, wok bung na pasin bilong lukautim ol arapela wantaim amamas i strongim ol meri na wok bilong ol na i karim gutpela kaikai.

Lo bilong Lukautim ol Meri



Skrui i kam long las wik Toktok long Mentenens

TAIM kot i makim Mentenens oda, dispela i min olsem majistret i makim hamas mani man i baim, na long wanem taim (olsem long wan wan wik, potnait o mun)

Man i mas givim mani long kot na kot bai givim long meri. Kot i ken odalm man long baim mentenens bilong meri tasol, o bilong pikinini tasol, o bilong meri na pikinini wantaim. Mentenens oda i ken karamapim ol was pikinini tu.

Sapos man i no wok mani, na i wok gaden tasol, kot i ken givim yet mentenens oda. Kot inap tu long mekim oda long man i givm kaikai bilong gaden long meri na pikinini.

Moa long neks wik.

Sotpela Tok Lukaut:

Skrui HIV/AIDS toktok

Tingim, ol lain i gat binatang bilong AIDS i mas kisim marasin long ol komon o narapela sik ol i kisim long stap gut na ol bai stap longpela taim. i gat ol komyuniti helt woklain o nes long ples we i ken helpim long givim saplais?

Man bilong meri na ol arapela hauslain i ken helpim long sapatim wanpela famili memba i kisim dispela sik na i laik go bek long ples.

Ol i ken salim mani na marasin. Ol i ken go lukim ol.

Moa long neks wik.

Raun lukautim ol meri



SAPOTIM SIOS: Ol meri i redi long salim ol kaikai bhain long lotu.



MASKI LONGWE, FAMILI I STAP: Pater Stephen Simangi bilong PNG wantaim wanpela famili bilong kantri Brasil long Saut Amenka we em i wok misi-nari long en.



NAISPELA BILAS: Ol mama bilong Bana long saut Bogenvi, Otonomes Rijeh i soim stail bilong ol wantaim ol naispela kalsa bilas.



OLSEM WANEM LONG MIPELA? Sios, komyuniti na gavman lida i mas hanim wart bilong ol yul na pikinini bilong yumi i bungim ol kain hevi long laip na sindaun tude.



Kuk Kona wantaim MERI WANTOK

Tia Maria Kakaruk

Yu mas i Gat: Wanpela kilogram kakaruk

60 grem bata Hap kap krim Marnet:

- 1 na kwata kap wara i kakaruk stok kiub
- 3 teboispun Tia Maria
- 2 teboispun konflau

We long Kukim:

- 1- Praim liklik kakaruk wantaim bata
- 2- Putim ol hap hap kakaruk (kakaruk brest samting) long kontena. Putim wantaim ol ingredient o samting yu marinetim na redim long kukim na miksik ol gut
- 3- Kapsaitim dispela i go antap long kakaruk na larim i kuk long tupeia awa.
- 4- Putim krim long ol marinet samting na kapsaitim i go antap long kakaruk, klostu taim kakaruk i kuk.
- 5- Sevim wantaim feveret kumu bilong yu.

STORI TASOL



wantaim

FR. PAUL LIWUN, SVD

Naispela kap

Dispela stori hia mi bin kisim long wanpela intanet web sait bilong Indonesia, ol i kolim TAMAN BINTANG (Gaden bilong sta).

TUPELA bubu i bin go wokim saping long wanpela stua i save salim ol suvenia o liklik samting bilong tingim. Tupela i laik baim wanpela bon de presen bilong tumbuna bilong ol. Taim ol i go insait long stua na lukluk raun, ai bilong bubu meri i go pas long wanpela naispela kap (mug) i stap. "Lukim dispela kap", bubu meri i bin tokim bubu man. Taim bubu man i lukluk long dispela kap, em i tok; "Em i gutpela stret. Mi no bin lukim narapela kap i bin winim dispela kap. Em i winim olgeta kap. Em i namba wan bon de presen tru".

Taim tupela i go kamap klostu long dispela kap, wantu tasol kap i tokim tupela olsem; Tenkyu long luksave long mi. Tasol yupela mas save olsem, mi no bin stap gutpela na smatpela olsem yu lukim nau. Bipo mi bin kamap naispela kap, mi bin stap olsem graun nogut i nogat namba. Mi bin stap rabis tasol.

Long wanpela de, mi bin kirap nogut tru taim wanpela han i no klin tumas i bin kisim mi na tromwe i go insait long wanpela wil i tantanim i stap na em i bin tantanim mi. Mi pilim ai raun tru na singaut; stop! Stop! Tasol dispela man i tokim mi, "I no yet!" Bihain em i bin paitim na solapim mi planti taim. Mi singaut yet; stop! Stop! Tasol em i taitim bun yet. Samting nogut moa i kamap long mi taim em i putim mi i go insait long paia. Mi kra i na singaut gen; Hot! Hot! Stop! Em inap ya! Tasol dispela man i tok; "I no pinis yet!"

Nau em i kisim mi aut long ples bilong paia na putim mi ausait na larim mi inap mi kamap kol. Mi tingim olgeta pen bilong mi i pinis nau. Tasol i no yet. Taim mi kamap kol pinis, em i kisim na givim mi long wanpela yangpela meri i penim bodi bilong mi. Smel bilong pen bilong em i nogut tru olsem na mi singaut gen, stop! Stop! Tasol em i tok; "I no pinis yet!"

Taim meri i penim mi pinis, em i givim mi i go long han bilong narapela man husat i putim mi go insait long narapela paia. Hot bilong em i winim hot bilong paia bipo. Mi kra i na singaut strong gen; "Helpim mi! Helpim mi! Inap long givim hevi long mi. Tasol dispela man i no wari long kra i na singaut bilong mi. Em i kukim mi yet.

Taim em i wanbel long kukim pinis, em i rausim mi long paia na larim mi kamap kol. Bihain wanpela smatpela meri i bin kisim mi na putim klostu long wanpela glas. Mi bin kirap nogut tru taim mi lukim mi yet insait long glas. Klostu mi no bilip, bikos mi lukim wanpela smatpela na naispela kap i stap. Taim mi lukim mi yet olsem, wantu tasol wari na pen bilong mi i lus olgeta.

Taim God i wokim yumi; yumi bin karim planti hevi, pen na planti ai wara i pundaun nating. Dispela rot tasol em i namba wan rot God i mekim yumi kamap smat na soim lait bilong glori bilong en.

Traim na wari i save kamap long laip bilong yumi em i wanpela gutpela samting i mekim yumi amamas. Bikos long taim bilong traime yumi bai hat wok long painim rot long winim en.

Long taim bilong traime, hevi na wari i kamap, noken surik na pret. Noken komplem o sutim tok long ol narapela i givim traime, hevi na wari long yumi. Karim dispela hevi wantaim amamas. Noken les na ronawe. Gutpela taim na amamas i wetim yumi bihain long en. Tingim dispela tok: "Antap long klaut, san lait i stap yet!"

Ol ripot bilong Wol Asosiesen bilong Kristen Komyunikesen -Pasifik (WACC-PAC) kibung long Rarotonga, Kuk Ailan wantaim Veronica Hatutasi.

Yusim komyunikesen bilong strongim sios wok

WANPELA wik Komyunikesen bung bilong ol Kristen ogenaiesen insait long Saut Pasifik i singautim strong ol memba long yusim ol rot bilong salim na kisim toktok long bildim na strongim ol komyuniti insait long rijen.

Wol Asosiesen bilong Kristen Komyunikesen-Pasifik Rijen (WACC-PAC) i kamap wantaim Stetmen bihain long 20-pela deleget bilong ol Kristen ogenaiesen i memba long WACC-PAC i bin bung long Avarua insait long Rarotonga, biktaun bilong Kuk Ailan long Sarere Septemba 10 inap long de namba 17.

Ol deleget i bin makim 14 sios grup na i kam long Kuk Ailan yet, Tahiti, Fiji, Ameriken na Westen Samoa, Niue, Kiribati, Nu Silan, Tonga na PNG.

Het tok bilong dispela bung em "Sios na Komyunikesen insait long Pasifik Rijen."

Bung i bin salim sapot bilong ol i go long ol brata na susa long WACC Not Amerika Rijen husat i kisim bikpela hevi long strongpela win, ren na taitwara we Hariken Katrina i kamapim na salim sapot wantaim preia long ol pipel i ken kisim bek gutpela sindaun.

Insait long Rarotonga bung, ol deleget i bin harim ol stori long rot we komyunikesen wok i develop o go het insait long Pasifik rijen na ol i bilip strong olsem ol dispela wok bai helpim ol pipel.

"Mipela i bilip strong long promotim aweanes long envaironmen o ples



KIBUNG I OP: Pastaim Presiden bilong WACC-Pasifik Pater Larry Hannan SM i sekan wantaim Rilijen Minista bilong Kuk Ailan Palamen Peri Vaevaepare long opim konferens long Avarua, Rarotonga, Kuk Ailan.

komyunikesen i kamap long en, luksave olsem gutpela pasin bilong ol manmeri i save kamap long gutpela komyunikesen na taim i gat gutpela komyunikesen i go gut namei long ol pipel. Na long laik long gro na luksave long ol gutpela samting long yumi yet na ol narapela.

"Mipela i luksave long samting we i bin stiaim WACC insait long las 20 yias na

gutpela komyunikesen i kamapim ol komyuniti, ol manmeri i ken go insait long komyunikesen, mekim pipel fri, sapotim na divelopim kalsa na i mekim wok profet.

"Mipela i askim olgeta Kristen long rijen long lukim kristieniti olsem em i gutpela samting long laip bilong ol bikos em i soim rot bilong go het taim yumi toktok wantaim sekula wol o wol ausait long sios.

HAP STORI BILONG WACC

Wanem: Kristen Komyunikesen
 Wanem: Kristen alos komyunikesen ogenaiesen

Stapim: Bilong long Wol Wo 2, moa long 60 kromas i go pinis

Ai Tingting: Long studim ples na helpim pipel long sait bilong jastis, human raia na likwaili

Melaeap: 1002 long 115 kantri; Ol bikpela Kristen sios long wol na rai, liklik lam bilong ol arapela sios

Hekota Pasifik: London Yunaitet Kindom

Hekota: Suva, Fiji

Bung kamap: Bihain long bigeta tripela ya.

YUPELA KAM LONG MI NA KISIM MALOLO

Yupela ol man i save hatwok tru na i karim ol bikpela hevi, yupela olgeta kam long mi na bai mi givim malolo long yupela. Yupela kisim save long mi na aninit long tok bilong mi, olsem yupela i kisim plang ol i save pulim long nek bilong ol bulmakau bilong ol i ken pulim ol samting.

Yupela kisim save long mi, long wanem, mi save mekim pasin isi long ol man na mi save daunim mi yet. Na bai ol samting i no ken givim hevi long yupela na bai yupela i kisim malolo. Dispela plang i putim long nek bilong yupela, em i isi long karim, na samting mi givim yupela bilong karim, em i no hevi.

MATYU 11: 28-30

Sapotim gut sios komyunikesen

KOMYUNIKESAN em i bikpela samting long laip bilong pipel, sios na kantri.

Long wankain taim tu, ol lain i go pas long komyunikesen wok long ol Kristen sios insait long Saut Pasifik i kisim salens long mekim ol wan wan sios bilong ol long luksavde na sapotim komyunikesen sait wantaim mani bilong strongim wok misin bilong ol.

Dokta Randy Naylor em Jenerel Seketeri bilong Wol Asosiesen bilong Kristen Komyunikesen (WACC) het opis long London, Inglan i bin wokim dispela toktok long opening bilong Jenerel Asembli bung bilong han bilong WACC long Pasifik rijen long Rarotonga, Kuk Ailans las Mande.

Twenti manmeri i wok long komyunikesen eria bilong ol Kristen sios na i memba bilong WACC Pasifik long Kuk Ailan, Ameriken Samoa, Westen Samoa, Kiribati, Tonga, Niue, Tahiti, Fiji, Nu Silan na PNG i bin sindaun long wanpela wik kibung long toktok long komyunikesen na rot

we sios na ol ogenaiesen i kam aninit long em i ken yusim long skruim tok bilong Bikpela, stiaim rot long ol lain insait long konferens long "noken autim tasol gutpela nius bilong sios tasol tokim ol sios lida olsem komyunikesen i bikpela samting olsem ol arapela eria bilong sios na ol i mas givim gutpela sapot

Moa long 100 pipel i bin witnessim opisel opening bilong seremoni bilong WACC-Pasifik Jenerel Asembli i bin kamap long Avarua Kuk Ailan Kristen Sios Peris Hal. Minista bilong Rilijen long Kuk Ailan Palamen Peri Vaevaepare, het Minista bilong Avarua peris na ol arapela sios na komyuniti lida i bin witnessim opening seremoni. Bung i bin toktok long planti arapela samting i sut long komyunikesen na sios, pipel na komyuniti na tu, ol nupela komyunikesen teknoloji samting. Ol wan wan WACC rijen, na i gat 8-pela long wol, bai holim narapela bung olsem long yia 2008.

"Nogat wara bai yumi dai. Nogat komyunikesen, yumi lus," Dokta Naylor i tok.

GLASIM TOK



wantaim

BISOP PETER FOX

Olpela Poroman

GOD tu i mas gat poroman. Sampaia pipel i ting olsem dispela em as long em i wokim yumi.

Long las pela kaikai, Jisas i tokim ol disaipel bilong em olsem, "mi no kolim yupela ol wok boi tasol mi kolim yupela ol poroman. (John 15: 14) Em i bikpela samting long kisim askim long kamap ol poroman bilong King.

Sampela taim, yumi yusim dispela wod, pren, nating nating. Yumi yusim long kolim ol lain poroman i stap klostu tasol long kamap trupela pren long narapela em stap long narapela level.

Gutpela poroman, trupela poroman i save kisim taim long gro. Pastaim, ol manmeri i mas bung, save na laikim wanpela narapela.

Trupela pren i save gut long yu na olgeta samting yumi mekim na em i no wari. Kain pren olsem i save sapatim yumi long taim bilong hevi, gutpela taim, bai kros na belhat na amamas long prensip bilong yumi.

Trupela poroman bai bilip long yumi taim em i save long ol rong pasin bilong yumi tasol long wankain taim tu, yumi gat samting we ol i luksave long en.

Serim ol ekspiriens i save pasim ol poroman wantaim long rot we dai tu ino inap long bagarapim. Sande bilong tingim ol samting i givim yumi long piksa long dispela.

Stap laip long woa o long skul wantaim i kamapim strongpela wok pren we bai abrusim ol yia na taim bilong stap yangpela. Jisas i wok long givim yumi taim em i tok, "Mi kolim yupela olsem ol poroman.

Na i laik tok olsem, "Yumi bin stap wantaim, yumi serim ol samting nogat manmeri bai save long en. Yumi lap wantaim, krai wantaim, o no wanbel long sampela samting, birua long ol narapela na bagarapim wanpela long nupela.

Yumi save long wanpela narapela, serim ol samting nogat i save long en. Yumi bin lap wantaim, krai, no wanbel long sampela samting wantaim na mekim yumi yet i sori. Yumi save long wanpela arapela na dispela save long wanpela arapela i save mekim yumi i gro strong.

Em i narakain tru long dispela taim, we ol kain senis i kamap na ol manmeri i go het long wokim long laik bilong ol na dispela i pasim rot bilong ol yangpela i lukautim bodi bilong ol na tok nogat taim ol i wokim prensipin tasol.

Yumi bihainim ol kain pasin we we ol manmeri i slip wantaim na mipela i pret long tok olsem, "Mi laikim yu".

Mipela i pret olsem ol bai gat narakain tingting long yumi na planti taim, dispela i tru. Man i sem long givim kis long papa bilong em, brata na meri i pret long wokim wankain bikos dispela bai luk olsem em i askim long narakain samting.

Ol trangu, sori pipel em yumi long larim media i painim sip samting long kirapim skin i stilim fridom long laik pasin bilong yumi.

Olsem sosaiti yumi mas painim presen bilong trupela prensip. Mi hop tasol bai dispela i no kamapim narapela woa long yumi i kisim skul long en.

Prensip i kamapim gutpela marit, gutpela famili na ol dispela prensip olsem ol narapela i laikim bai yumi mas stap pas wantaim na gif bilong taim sapos ol i mas kamap strong na i stap na i no inap bagarap.

Yumi ino inap skelim prensip wantaim hamas pren yumi gat tasol long kwatiti. Na yumi wan wan i kisim askim long kamap pren bilong Jisas.

Nogat man i mas stap em yet taim i gat pren husat i stap klostu long yumi winim tu ol brata. (Proveb 18:24)

Moa stori long WACC- Pasifik rijen Jenerel Asembli long Rarotonga, Kuk Ailan wantaim Veronica Hatutasi

Strongim trening na netwok

TRENING, netwok wantaim na projek long sapatim komyunikesen wok insait long rijen em sampela long ol bikpela samting we ol 20 komyunikesen opisa wantaim ol Kristen Sios long Pasifik i bin toktok long em long wanpela wik Jenerel Asembli bung long Rarotonga, Kuk Allans.

Wanpela wik bung i bin pulim ol deleget i bung na kisim save, sea, glasim na skelim ol hevi na ol wok kamap, na ol wok ol i laik lukim long komyunikesen wok long wol we i wok long bungim ol kain senis tude.

Nupela teknoloji em i wanpela samting we ol deleget i tok i samting we sios i mas givim tingting na go insait long em long skruim strong wok bilong em na wokabaut wantaim wol tude.

Trening long yusim ol nupela teknoloji na masin em i bikpela samting na ol lain i stap insait long sios komyunikesen i mas gat trening long yusim ol masin na wok i ken kamap na go het gut.

Villiami Falekaono husat nau i kisim sia bilong nupela WACC-Pasifik Presiden na em i go pas long Tonga Katolik Komyunikesen i bin tok sampela taim, em i hat long ol sios i luksave na go insait long senis bilong nupela teknoloji, tasol dispela i mas kamap long ol ogenaiesen i sevim gut ol pipel bilong ol na wok bilong jastis, gutpela sindaun, humen raits na ol eria olsem.

"Long sait bilong mi, em bin kisim 5-pela yia long toktok i go na i go wantaim bisop bilong mi long mekim em i tok yesa na narapela 6-pela yia long tok oraitim na mipela i kisim ol nupela komyunikesne teknoloji i kam insait long ogenaiesen na sios mi wok long em," Mista Falekaono i tok.



HARIM STAP: Bruder Michael McManus bilong Divain Wod Yunivesiti long Madang, Reveren Burreieta Karaiti bilong Kiribati na ol narapela long stat bilong kibung.

Ol deleget i bin prisenim ol kantri ripot long ol wan wan ogenaiesen na komyunikesen eria ol i wok long em.

Long ol ripot, i gat bikpela nit long komyunikesen insait long ol sios tasol eria i mas kisim gutpela sapat long ol sios lida insait long ol wan wan ailan kantri yet.

i bin gat ol toktok long ol kain rot bilong komyunikesen na wari i bin kamap long ol nupela teknoloji, moa yet Intenet na dijital teknolji na wanem samting em i kamapim long ol yangpela pipel.

Ol deleget i bin toktok tu long ol gutpela na nogut bilong ol dispela samting na wei media i save stiaim tingting na rot long

tingting bilong pipel. Ol bikpela disisen na pasin bilong pipel, komyuniti na kantri.

Bikos long ol dispela samting, ol bin tok olsem ol Kristen komyuniketa, ol i mas strongim netwok na go insait long ol projek we i promotim jastis, gutpela pasin, gutpela sindaun, daunim trangu pasin, integrel humen developmen, strongim ol meri, yut na ol lain we naturel hevi na woa i bagarapim ol.

David Lin em wanpela bikman i go pas long Esia na Pasifik rijen long WACC het-opis long London, Ingran i bin givim ripot na histri long komyunikesen teknoloji long bipo i kam inap nau we nupela teknoloji em i kam pinis long stap.

Hagen bosim Nesanel Luteran Yut konferens

Paulus Tali i raitim

LUTERAN Nesanel Yut Konferens (LNYC) bai kamap neks wik long Hagen, Westen Hailans provins bai bungim bikpela lain yangpela pipel bilong Evangelikel Luteran Sios long en.

Ol yut bai toktok, pre na sea wantaim long ol samting i karamapim ol long spirituel, sosel na pesenel laip bilong ol.

Dispela wanpela wik bung bai kamap long Notre Deim Katolik Sekonderi skul ausait long Hagen Distrik na bung bai stat long Sande Septemba 25 na pinis long Sande Oktoba 2.

Het tok bilong konpres em, "Pos bilong bilip bilong mi." (Rom 8, 1:11)

Moa long 800 Luteran yut deleget bai kam long 16- pela distrik long Hailans, Momase na ol arapela distrik moa.

Sampela long ol bikpela samting we ol yut bai toktok long ol em wok ministri bilong sios, HIV AIDS na ol arapela samting moa we i gat bikpela samting insait long laip na sindaun bilong ol yut tude.



OL WAITPELA ANGELO: Tru tumas, ol dispela yangpela pikinini man na meri bilong wanpela peris long Amazon, Brasil long saut Amerika i redi long kisim namba wan komyunio. Pater Steven Simangi SVD bilong PNG i wok misinari long hap em i peris pris bilong ol.

TOK LUKAUT



wantaim

DAVID EPHRAIM

Luksave long strong bilong kalsa

LAS wik yumi bin amamasim indipendens bilong kantri i go insait long demokratik western sistem. Mi laik kisim dispela taim tasol long tok amamas long ol planti meri husat i bin sanap long wokim wok bilong mekim kantri i kisim indipendens.

Planti taim yumi save toktok long ol man tasol na yumi no save luksave long hatwok planti ol meri i wokim long mekim dispela kantri i kisim indipendens.

Long tripela ten krismas i go pinis yumi bin lukim planti ol bikpela hevi i kamap tasol kantri i sanap yet bikos long wanpela samting we mi bilip em i strong tru insait long kantri em Wantok pasin.

Long i go insait long nupela stat bilong kantri yumi mas sanap na wok bung wantaim inap yumi lukim planti senis i kam.

Yumi mas traim tu long kamapim ol rot bilong traim strongim kalsa bilong yumi, bikos nau yet i luk olsem planti pasin kalsa i wok long dai bikos long kain kain ol pasin bilong narapela kantri i kam na wok long tanim tingting bilong planti ol yangpela manmeri tete.

Wanpela asua bilong yumi em yumi nogat gutpela pasin bilong lukautim gut ol pasin kalsa na tumbuna bilong yumi.

Nau yet bai i luk olsem bai yumi go insait long ol planti kain kain developmen. Olsem na yumi mas wok strong ron wokim kamap ol rot bilong protektim na strongim kalsa bilong yumi. Bihain bai yumi amamas long ol dispela kalsa yumi gat.

I gat wanpela samting we i wok long traim long stopim dispela i kamap em ol lida bilong yumi tok long ples i no luksave na kamapim gut rot bilong strongim ol tu i wok long paul namei long pasin lotu na kalsa wantaim nupela kain kalsa tete.

Dispela em i wokim hat moa tasol yumi noken wokim em i hat moa long kamapim rot bikos nau yet i gat sans i stap yet long kamapim kain rot bilong strongim kalsa.

Papua Niugini tripela ten krismas, man i no manki nating yumi man nau.

Traim soim sampela kain pasin bilong man stret.

Yu na mi wokabaut i go insait long nupela stat bilong histori bilong kantri tete wokim stret wok bilong yu.

Long pinis mi laik ken tok amamas long yupela olgeta long gutpela bel yu gat long baim Wantok Niuspepa we em i pepa stret bilong yumi.

Tokim Wantok bilong yu tu mas baim bikos em tok bilong yu stret we bai yu klia long en. Strongim kalsa, baim Wantok.

Tupela bosman bilong UPNG Marasin skul i aut

YUNIVESITI bilong Papua Niugini (UPNG) i rausim tupela bikman bilong Marasin Skul bilong em long Taurama long wok bihainim sampela wok painimaut long asua ol i wokim long sait bilong etministresen na mani.


Long wankain taim, Asosiesen bilong ol Nesenel Dokta i singautim Nesenel Gavman long rausim kea teka o was papa Etministresen bilong Yunivesiti.

UPNG kea teka etministresen i bin rausim Bos bilong UPNG Skul ov Marasin, Taurama kempus Profesa Mathias Sapuri na namba tu bilong em, Dokta Andrew Masta bihainim tupela bung bilong ol etministresen long glasim na skelim ol samting we ol i kisim tok sut long em.

Ripot i kam long Pablik Rilesens Yunit bilong UPNG i tokaut olsem Sansela Andrew Yaueb i tok disisen we UPNG Etministresen i wokim i orait tasol na bai i stap olsem na ol i toksave long Profesa Sapuri long wanpela bung long Mande.

Ekting Vais Sansela Profesa Kenneth Sumbuk i tok UPNG Kaunsel Stending komiti i bin tok orait long go hetim disisen long rausim tupela bikman long Septemba 2 na 14 kibung bilong ol.

Profesa Sumbuk i tok ol i putim tambu long tupela bikman ya bikos ol i brukim Pablik Fainens Menesmen Ekt bilong



SAPURI: Wetim pinis bilong wok painimaut tasol.

1995 na Fainens Polisi na Akaunting wok bilong UPNG long 1998.

Em i tok dispela samting em i kam aninit long wok etministresen na ol i stretim pinis long dispela level. Na i no wankain long wok painimaut i wok long go het na i sut long strik na hevi ol sumatin i bin stap long en tupela mun i go pinis.

Profesa Sumbuk i tok ol i sanapim pinis wanpela komiti we sinia loya Michael

Gene i go pas long en.

Em i tok bihainim ol dispela samting, ol i makim Profesa Isi Kevau olsem ektim bosman bilong Marasin na Helt Saiens Skul.

Long wankain taim tu, Prèsiden bilong Nesenel Doktas Asosiesen Dokta Kauwa Pomat i singautim gavman long rausim UPNG kea teka etministresen na putim nupela we i no wansait na indipenden long ol hevi i kamap long Yunivesiti.

Em i tok UPNG Kaunsel na Etministresen i no harim daireksen bilong Hala Edukesen Minista Don Polye long noken saspending tupela bikman ya.

Dokta Pomat i tok Profesa Sapuri i mekim bikpela wok na Skul bilong Marasin, Helt na Saiens i kamap gut, winim level em bin stap long en 10-20 krismas i go pinis insait long 6-pela yia em i stap olsem bosman bilong skul ya. Na skul i kamap gutpela moa na pulim ol ai i go long em.

Em i tok rot we kea teka etministresen i bihainim long stopim long wok Profesa Sapuri na Dokta Masta i soim olsem ol i no inap long menesim gut wok long Yunivesiti.

Na em i tok sapos ol i no laik lusim wok na nupela lain i kisim ples bilong ol, gavman i mas luksave long dispela na rausim ol.

Bikpela wari bilong AIDS

Paul Zuvani i raitim

BIKNEM Australia ragbi lig man Mal Meninga wantaim Braithe Anasta na Luke Ricketson i kisim bikpela toktok taim ol i harim olsem wan wan de ol haus sik i save lukim 10-pela manmeri i karim sik AIDS.

Bos bilong Gerehu Klinik Sista Miriam Havai i tokaut long dis-

pela taim Meninga wantaim tim bilong em na ol pilaia bilong PNG olsem Eki Ene na Jessie Joe wantaim ol niusman i raun i go lukim ol long Mande dispela wik.

Sista Havai i tok bipo klinik bilong em i save lukim 4-pela o 5-pela sikmanmeri tasol dispela namba i go antap long 10-pela sikmanmeri long wanpela de.

"Em i bikpela hevi dispela taim. Na wok manmeri bilong helpim mi long lukim dispela kain namba i sot. Mi sot tu long ol marasin," Sista Havai i tok.

"Mipela i save lukim tu planti sik manmeri i gat STD (Seksuel Tresnmited Disis). Na planti hevi bilong ol meri husat ol man i paitim na bagarapim bodi bilong ol.

"Mi nogat dokta long dispela klinik. Mipela i gat ol Helt Ekstensen Opisa tasol," Sista Havai i stori, na em i tok wanpela dokta husat i save wok wantaim ol bipo i go bek long kantri bilong em pinis.

Em i tok ol sik we ol i no inap long lukim em ol i save salim i go long Pot Mosbi Jenerel Haus sik.

Sista Havai i tok ol i save givim tok stia long ol AIDS sikmanmeri na ol meri husat man bilong ol i paitim na bagarapim ol.

Long bekim Meninga i tok sapos ol manmeri i laik abrusim dispela sik ol i mas toktok gut long kain sik insait long famili na komyuniti bilong ol na maski long tingting planti long pasin kastom.

Meninga wantaim Fitlet na ol pilaia bilong Australia i makim

AusAID long tokaut long ol manmeri olsem AIDS em i sik nogut na sapos ol manmeri i laik abrusim, tingting bilong ol i mas op na ol i mas save long gutpela rot bilong sindaun.

Dispela ol biknem Australia ragbi lig man i bin kam long kantri we ol i stap long Australia Praim Minista 13 na pilai agensim PNG Praim Minista 13 long makim 30-yia indipenden anivesari bilong PNG. Long dispela pilai Australia i win 34-0. Tasol long wankain taim, PNG sait tu i bin pilai strong moa long ol arapela PNG sait bipo.

A COLLEGE TO CHANGE YOUR WORLD IN 2005 **YOUR accredited international awards**

Invest in accredited qualifications and skills to gain a successful career. Everything you need for study success is provided; Training Materials, Guide, Exams, Revision Tests, Exam, Award.

- Diplomas (£150/US\$300/AUS\$360)
 - *Accounts, Hotels, Tourism, Computers
 - *Business, Management, English, Stores
 - *Personnel, Office, Purchasing, Advertising
 - *Marketing, Insurance, Secretary, Office
 - Advanced Diplomas, BBA, BCom, MBA
 - *Business, Marketing, Finance, Organization
- For a FREE Prospectus/brochure contact:
CAMBRIDGE INTERNATIONAL COLLEGE
 P.O. Box 1378, Southampton,
 SO17 3WX, Britain
 Web: www.cambridgecollege.co.uk
 email: info@cambridgetraining.com
 Fax: +44 2380 337200

Accredited British Training & Education registered with the National Training Council & Ministry of Labour of Papua New Guinea



RAUN WANTAIM STIA TOK: Mal Meninga (han sut i sikan wantaim wanpela sista long Gerehu klinik. Sanap na lukluk em narapela biknem Australia ragbi lig pilaia Braithe Anasta.



Salim ol pas i kam long WANTOK
NIUSPEPA: P.O.
Box 1982, Boroko
N.C.D 111
Fax: 325 2579
Email:
word@global.net.pg

Pinga raitim bilong God tasol

Dia edita

MI LAIK bekim pas bilong P.I. husat i bin rait i kam long Lorengau, Manus provins long 18/08/05 aninit long Het tok 'Plis tok klia'.

Yes brata, tenkyu long olgeta askim bilong yu, na olgeta bekim bilong yu i stap long 66 buks Genesis - Revelesen na em i kam long spirit na save bilong God yet.

Brata yu mas save wanem lo i gat hevi na i kam long han raitim bilong God, testamoni bilong Jisas long Genesis i go inap long Revelesen. Em Tenpela Lo tasol i antap long olgeta. [Ex 20: 3-17, 32: 15-16]

Sapos yu kisim gut Mat 22: 37-38 long laikim God long bel tingting na strong, na as bilong Ex 20: 3-11 tasol, na Mat 22:39 long laik narapela olsem yu yet em as bilong Ex 20: 12-17.

Mi laik kisim speis tasol long ol bekim bilong yu olsem olgeta em God Jehova, God Jisas Krai na God Holi Spirit. Sabat em amamas (bel isi) na dispela amamas i kamap long God yet na em blesim, makim na putim long sait olsem namba 7 de Sarere taim long pinisim Gaden Iden na Adam wantaim Iva. Abrusim 2000 yia God yet i raitim sabat i go insait long Tenpela Lo gen. Jisas Krai yet i putim aut long ai bilong yumi gen dispela lo long Mat 22: 37-40 na em i stap bipo na bihain tu Mat 5:18.

God i no putim wanpela jasmen o sabat mekim-save long dispela graun, nogat tru. Sapos yu painim sampela kain mekimsave o panisim i stap long dispela graun, dispela em jasmen bilong ol man tasol i wokim. Lo bilong God i stap ples klia na tok, noken kotim o kilim narapela. Sapos yu brukim lo bilong God stret, em yu mekim sin long jasmen bilong Jisas tasol i gat marimari long kamap nupela gen taim jasmen buk i no pas yet. 1 Jon 3: 4, 24; Jon 15:10; Mat 19:17.

Jisas Krai yet i jasim yumi insait long jasmen buk.

PETER TILINI
LAE
MOROBE PROVINS

Nupela kar bilong Redio Wewak i no bilong paulim

Dia edita

MI LAIK raitim dispela pas i go long Wantok Niuspepa na tok kros i go long NBC Redio Wewak Ekting Menesa long em i givim nupela NBC kar i go long pren man bilong em long draivim bikos em i no famili kar o praiwet kar.

Long Sarere 13/08/05 mi sanap areare long Garamut Holsel long Wewak taun long hapas ilven kilok na mi lukim planti pikinini i stap long kar na pren man i sindaun long wil olsem kar bilong em long Angoram PMV stop na mi no amamas olgeta long dispela paol pasin bilong em.

Mi laik askim Menesing Dairekta bilong NBC Karai Sevis long Pot Mosbi long raitim wanpela mekim save pas na rausim meri long NBC Wewak na putim wanpela man long lukautim wok bilong redio.

I tru dispela meri i save paulim kar na mani na wok bilong NBC Wewak na wok i no gutpela namel long olgeta wokmanmeri na em i mas lusim wok nau long wanem em i no fit long kamap NBC redio Wewak menesa.

Mi laik askim Ekting Ediminstreta bilong Is Sepik long pulim bek kar na givim bek i go long gavman pul sapos bosmeri i laik bikhet na paulim nabaut. Nogat sem bilong em stret.

TARCY GAINDU
MAPRIK
IS SEPIK PROVINS

Kain kain pipia sekyuriti gat long Kimbe

Dia edita

WATPO tru mi save lukim ol sekyuriti bilong Kimbe taun atoriti i planti nogut tru? Long as bilong mango na mambu na arere long wara, as bilong marmar na baksait long senta poin. Ol i pulap tru na mi save ting olsem i no sekyuriti bilong taun atoriti tasol nogat em ol strit manki tu i sanap wantaim

ol sekyuriti tu na husat man o meri yu pispis o pekpek long Karapa yu mas lukim gut. Em ol sekyuriti bilong taun atoriti o ol strit manki. Na taim ol i holim yu long Karapa yu askim ol long aidi kat na yu tok olsem long go long maket ples na baim. Opis i stap long maket ples na em ples bilong baim na sasim ol man na yu noken baim long bus o Karapa. Em bai ol i paulim yu na

kisim mani bilong yu nating. Em ol strit manki na ol drak bodi nambaut na yu mas sekim gut long aidi bilong ol. Ol strit manki i nogat wok bilong ol, ol i giamanim ol manmeri long kisim mani bilong ol nating.

SONNY TAKEN
KIMBE
WES NU BRITEN
PROVINS



Toksave: Sampela ol pas mipela i kisim i longpela tumas na i no givim spes long ol arapela pas, plis raitim liklik pas. Na tu putim nem na adres bilong yu long olgeta pas yu salim i kam, tenkyu. - Editia

Kisim K2 long Indagen i no gutpela

Dia edita

MIPELA ol Kabwum pipel na Morobe olgeta mipela i no amamas long ol Indagen papagraun i kisim K2 long wan wan pasindia i pundaun na lusim Indagen ples balus.

Wan wan liklik ples balus long Kabwum distrik olsem Konge, Satwag, Wasu, Derim, Yalumet, Sapmanga na Kabwum yet. Man i soim piksa nogut long mipela olgeta. Na nius kamap long PNG na givim bikpela sem long mipela Timbe Komba na Selebet. Yumi bus eria na ples bilong yumi i no lukim gutpela wok developmen yet. Na i no ken harim stori tasol long ovasis kantri na bihainim olsem.

Nogat wok kamap bilong polis long Vanimo

Dia edita

MI WANPELA manki Sandaun nau mi stap long Vanimo na mi laik tok olsem olgeta lain save tok Sandaun em gutpela ples na ol gavman i no save bisi long salim ol strongpela ol sekyuriti olsem ol strongpela ol polisman long kam wok long hia.

Olsem na nau mi laik tok strong long Gavana bilong Sandaun provins Carlos Yuni olsem em mas mekim sampela wok bilong em nau long ol dispela lapun ol polis nau stap long Vanimo. Ol i no save

Plis husat famili bilong em o Waran Musep na Geraun ples lukim na ridim dispela pas tokim em. Bikos dispela mani i no kisim long stretim rot. Na Wantok Niuspepa mipela rit olsem long mowa i no katim gras long ples balus na pik i digim arere long ples balus. Nogut yu kisim mani i no long stretpela rot na yu yet o famili bilong yu bungim hevi. Olsem na yu mas lusim. Husat Kabwum pipel sapatim o agensim plis rait tasol long Wantok Niuspepa i kam na mipela lukim.

KELLY SOBO
KIMBE
WES NU BRITEN PROVINS

wok gut ol i save sindaun tasol i stap. Em taun ya nau ol kilim man ples klia na ol polis i no wokim wanpela samting o stopim ol pret na tok long ol komyuniti long stopim mipela komyuniti werim yunifom bilong gavman o ol polis werim yunifom em mas yunifom bilong painim meri. Husat laik sapatim o agensim, yu welkam tasol.

BATS JUSTIN
VANIMO
SANDAUN PROVINS

Wenge tingim pipel bilong em tu?

Dia edita

MI GAT liklik belhevi long autim long pablik. Mi wanpela sapota bilong Gavana Luther Wenge na mi bilong ples Kabwum yet. Mi laikim Gavana long tok klia long ol pipel bilong Kabwum long ol toktok em i bin mekim long taim bilong 1997 ileksen.

Em i bin tok olsem em bai pulim rot long Lae i go long Kabwum. Mi lukim olsem dispela ol toktok em bilong pulim vot bilong ol pipel. Long 1997 i kam inap nau Gavana i no mekim wanpela samting long dispela tok promis.

Nau bai yu tok wanem long ol lain we i lusim laip bilong ol long Sarawaged Range? Mipela Kabwum i save olsem yu save strongim tok long ol bikpela samting insait long kantri, tasol ol lain bilong yu yet olsem wanem?

CONCERNED NANANG
KABWUM
MOROBE PROVINS

Tok aut tasol long PNG, wanfamili

Dia edita

PLIS givim mi spes long tokaut long luksave tasol. Nau yumi kisim hat taim tru.

Hevi bilong bagarapim na kilim manmeri, hevi bilong bagarapim siti taun na ples long kain kain rot i kamap long pikinini na papamama wantaim.

Hevi long laikim moa mani long hait tingting bilong memba na minista bilong gavman long lukautim meri, pikinini bilong ol yet na lus tingting long yumi olgeta wanfamili bilong Papua Niugini.

Yumi no save long narapela sait olsem Atrallia, Amerika, Nu Silan, Malenesia na ol arapela kantri i stap long wanem kain sindaun.

Ol wait man i painim yet olgeta Niugini wantaim long 200 yia 1400-1600, tasol yumi pulap long pasin bilong sakim tok, pasin bilong stopim rot bilong waitman wantaim klinpela pasin i kam long Niugini i stap longpela taim i kam abrusim 1900 na ol saveman bilong narapela kantri i kam stretim kantri bilong yumi.


Olsem wanpela liklik diwai groa kam antap long gutpela graun, kisim gutpela wara na klinpela win na as bilong em i kamap naispela na kamap ples bilong bel isi na malolo.

Tasol em i no bikpela yet na han bilong em i lus lus, na planti pipia pulap long dispela hap ples na i nogat wanpela man i fit long klinim dispela pipia.

Tasol olgeta hetmanmeri na papa, mama, pkinini wantaim klinim dispela pipia, bai oraitim groa gen bilong dispela diwai.

Dispela em wei bilong yumi Papua Niugini stret. Ritim na mekim wei wantaim gutpela tingting na bel isi tasol.

PETER TILINI
LAE
MOROBE PROVINS



WANTOK
KOMENTRI

Mipela olgeta stap aninit long wanpela lo tasol

WANEM samting tru bai kamap sapos ol lida i gat lo bilong ol yet, na yumi pipel i gat narapela lo bilong lukautim mipela?

Sapos ol lida i gat lo bilong ol yet, na mipela ol liklik manmeri i gat lo bilong mipela yet, hevi i stap nau we ol pipel i stap wantaim taim nogut na ol lida i sindaun antap long mani bai go bikpela moa yet.

Na i no long mani tasol bai i gat senis. Pasin bilong laikim moa samting na moa mani bai inap long paulim tingting bilong ol gutpela lida bilong yumi na ol i ken pundaun long mekim ol kain kain paul pasin. Bikpela pasin nogut ol dispela kain senis i ken kamapim em pasin bilong paulim mani na bagarapim sindaun bilong pipel na kantri.

Ol liklik manmeri bai bungim taim nogut klostu klostu, na bai i hat moa long daunim ol paul pasin ol lida i save mekim.

Nau wanpela lo i kisim luksave na tok-save i go pas long em bai kamap long ai bilong Nesenel Palamen taim em i sindaun gen long mun antap (Oktoba) i go inap mun Novemba.

Memba bilong Lagaip Pogera, Kappa Yarka, na Memba bilong Nuku, Andrew Kumbakor em tupela Memba bilong Palamen nau husat i laik senisim tupela lo bilong strongim dispela tingting olsem ol lida i mas i gat lo bilong lukautim sindaun bilong ol yet. Dispela em i kranki tru.

Namba wan samting em mipela olgeta i mas askim em, long wanem rot tru na ol lida bilong yumi i kisim dispela wok lida? Ol i kisim luksave bilong wanpela kain bikman o opis? Nogat. Ol i kisim luksave long ol pipel. Olsem na bilong wanem ol i mas i gat lo bilong ol yet?

Mista Yarka i laik rausim pawa bilong Lidasip Traibunel o kot bilong ol lida long rausim Memba husat i brukim o go agensim Lidasip Kod. Mista Kumbakor i laik apim ol ilektorel sapot mani bilong ol Memba long K500,000 i stap nau bilong wan wan yia i go antap long K1,500,000 o K1.5 milien.

Dispela tupela senis long ol lo bilong yumi i agensim tru pasin bilong gutpela lida wok.

I nogat as tru long daunim strong bilong kot bilong lida. Na i nogat as long apim mak bilong mani i go long ol memba. Wanpela bikpela hevi i bin stap bipo taim ol memba i save kisim K1.5 milien em ol memba yet i save asua na tromoi mani nabaut long ol yet na ol pipel i save lus nating.

Nau Transparensi Intanesenel PNG, wanpela grup husat i save glasim gut wok na pasin bilong lida i laik traim daunim dispela tupela senis we i kisim luksave bilong stap insait long Oktoba-Novemba sindaun bilong Palamen.

Mipela i bilip dispela wok TIPNG i mekim nau i gat gutpela as tingting. Pipel i mas opim maus na givim tingting long dispela tupela senis.

Na ol lida i mas tok stret. Bilong wanem na ol i laik senisim lo?

Moses na krai bilong pipel save kirapim God long mekim samting

MOSES tu taim Papa na Mama i karim em, em i bin bon long taim we King Fero i putim lo long olgeta pikinini man bilong ol Hibru i mas dai.

Mama Jakobet i bin haitim em long haus i go inap em i no inap haitim em moa na em i wokim basket putim kolta insait na putim em long wara Nail. Pikinini meri bilong King i go waswas na lukim basket i drip long wara na wara i karim i kam stret long em. Em i opim na lukim dispela pikinini na Moses i krai. Krai bilong Moses na laikim bilong dispela yangpela meri long dispela pikinini god i bin yusim long lukautim Moses. Long wanem, God i gat bikpela wok long dispela man Moses long bihain. Olsem na yumi lukim God yet i bin banisim Moses long dispela taim nogut bilong birua. Sapos God i gat wok long yumi, bai em i banisim yumi long taim

nogut na taim bilong birua.

Moses nau i kamap bikpela man pinis na i stap nau long Yunivesiti

laikim bai Lida olsem Moses i ken kisim ol pipel na movim ol long rong ples i go long rait ples we God i laikim.

3. Taim God i makim man em i makim rait man long mekim na bihainim laik, pasin na plen bilong God insait

long wok bilong em long givim biknem na glori long God, na sem taim inapim tru nid bilong pipel bilong em.

OL PRINSIPOL BILONG GUTPELA LIDA

wantaim Evangelist

OHARE JABERE



bilong King yet na i save kisim gutpela save. Yumi lukim God i redim Moses long wok bihain bai em i mekim. Olsem na em i stap long Pales bilong King na wok long luksave long olgeta kain sindaun bilong King. God i redim em long bikpela wok bilong Lidasip. Plen bilong God em long yusim Moses long kisim ol pipel bilong em i go long ples stret we em i bin promis long Abraham, Aisek, na Jakob. Nau ol i go sindaun long rong ples, rong posisen. God

Yumi lukim God yet redim em na singautim em long mekim wok we God yet i laikim em long mekim. God yet luksave long nid bilong ol pipel na redim man o meri long mekim dispela wok we God yet em i laikim ol long mekim. Olsem na yumi ken lukim olsem:

1. Plen na no promis bilong God bai i no senis long ol tingting em i gat long ol pipel bilong em.
2. Nid na Krai bilong ol pipel i save kirapim God long mekim samting.

WANTOK

Published Weekly, Wednesday, for Word Publishing Company, Ltd.

P.O. Box 1982, Boroko, NCD Papua New Guinea

Telephone: 325 2500

Fax: 325 2579

Email: word@global.net.pg

Pe bilong wanpela yia 52 niuspepa

Ples:	Air:
PNG	K140.00
AUSTRALIA	US\$100.00
ASIA PACIFIC na JAPAN	US\$80.00
AMERICA na EUROPE	US\$150.00

General Manager
Justin Hansu Kili

Editor
Neville Choi

Published by Justin Hansu Kili, MBE of Section 58, Allotment 3, Office 2, Waigani Drive.

Word Publishing Company Limited is owned by the four major churches of Papua New Guinea - Catholics 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

Amamasim Indipendens - Pot Mosbi


Oi poto: NEVILLE CHOI na NICKY BERNARD




TUPELA GG YET: Gavana Jenerel bilong Australia Michael Jefferies na Sir Paulias i sindaun lukluk long ol selebresen.




LUKSAVE: Gavana Jenerel Sir Paulias Matane na Bosman bilong PNG Difens Fos Commodore Peter Ilaui wokabaut lukim ol gat pareit bilong PNGDF long makim Indipendens De long Mosbi.



MAKIM PNG: Ol yangpela bilong ol skul insait long Mosbi i mekim bikpela ekt long makim kama bilong kantri PNG.



LEP RAIT LEP: Ol nevi i tromoi stail waitpela yunifom bilong ol na mas long Sir John Guise Stadium.




REDI LONG PAIT: Wanpela long ol Saina Saolin Wushu kungfu lain i soim we bilong pait wantaim naip.



MAS WANTAIM: Ben bilong polis na ben bilong ol ami i mas na pilaim musik wantaim.

Wantok lukluk raun long amara

bilong PNG



Ol poto: NEVILLE
CHOI, NICKY
BERNARD NA
ANDREW MOLEN

KUKIM: Ol yangpela bilong Trobrien Ailans i no isi long samsam ausait long bikpela stua bilong Courts PNG long Mosbi.



PUTIM PNG I GO PAS: Dispela liklik stail manki i no abrus wantaim stail bilong em insait long poto. Em i tromoi ol PNG kala tru tru na soim klia olsem em tu i putim PNG i go pas.



MI GAT NAMBA TU: Dispela liklik manki i tok em tu i gat namba ya.



BASKET TU YA: Dispela tupela stail manki em ol wokman bilong Courts PNG.



LAKI MANKI: Laki Varo bilong Gaire i gat tripela krismas tasol. Wantok Nius i bungim em taim wanpela atis i penim het bilong em i stap. Laki i kisim dispela pen olsem bonde presen bilong em.



HET O WANEM SAMTING? Piksa i ken stap long olgeta hap. Dispela man kela i tokim ol long penim flek bilong PNG antap long kela bilong em stret.

mas bilong tripela ten krismas ndipendens



MAUS BILONG PUKPUK: Ol lain bilong Mailovera Kalsa Grup bilong Hos Kem long Mosbi i soim stret danis bilong pukpuk long Sir John Guise Stadium.



MAK BILONG KAVING: Tupela manki Sepik i penim pes bilong ol wankain olsem ol tumbuna kaving bilong Sepik tru tru.



FIT NA FIT NATING: Kala bilong ol tumbuna bilas bilong yumi fit nating.



EM RAIT MANKI YA: Wanpela man i apim dispela manki Saina ya husat i kam soim stail bilong em long pait kungfu. Dispela



KALAP KALAP: Ol stail manki ya i bihainim kalap bihainim pairap bilong kundu.



SAMSAM: Ol dispela yang-pela angelo bilong Bogenvil i no isi long samsam.



STAIL KALA: Pen long skin i stail tu ya.



MAN O SNEK: Skin i pulap long pen pinis, na taim ol i ron, ol i ron olsem snek tru tru.

Amamasim Indipendens - Hiri Moale

Oi foto: NEVILLE CHOI na NICKY BERNARD



STAIL BILONG OL HIRI KWIN: Oi Hiri Kwin bilong las yia na ol nupela meri i sanap resis long traim winim dispela yia i danis wantaim.



REDI LONG SINGSING: Bisi Grup, bilong ples Porebada insait long Sentrel provins i bin stap redi long mas na singsing long Hiri Moale.



WOKABAUT LONG ROT: Oi manmeri insait long Mosbi i wokabaut bihainim ol lain kar ol i bilasim na i go long Sir Hubert Murray Stedium long Mosbi.



TANIM TANIM: Wanpela yangpela meri i resis long Mis Hiri Hanenamo i tanim tanim i kam aut long Ela Bis long Mosbi.



BALUN STAIL: Balun tu i ken stailim yu. Dispela 4-pela yangpela manki i pasim ol longpela balun raunim het bilong ol na ol kamap nating tru.



MERI PAPUA: Hiri meri danis na soim kala long kism namba long Ela Bis long Mosbi.



BISKIT KAR: Biskit kampani Lae Biskit i bin gat wanpela kar bilong ol tu i ron long dispela pareit.



AMAMAS: Oi man Tolai i bilasim kar bilong loli wara kampani Pasifik Indastris.



OL PAWA MAN: PNG Pawa tu i bin i gat wanpela kar ol i bilasim na sanapim ol pawa lain long baksait bilong em.



TINGIM LAIP TU: Nesenel AIDS Kaunsil i bin gat wanpela kar we ol i tilim ol kondom na givim stia tok long ol manmeri i raun go lukim Hiri Moale festival.

Oi Wol turis kapsait long lukim Goroka Kalsarel So

James Kila i raitim

MIPELA i amamas tru. Wanem ol samting mipela i lukim long hia em mipela i no save lukim long ol arapela hap kantri o ples long wol."

"Oi bilas na singsing tumbuna na planti ol kain kala bilong yupela i nais tru. Mipela aigris stret long kain bilas na kala bilong yupela i winim lewa bilong mipela stret. Em i smat tru."

Dispela em planti bilong ol naispela toktok em wanpela turis, Greg Greer bilong siti Illinois long kantri Amerika i bin mekim las wiken taim em i wok long kisim ol poto raun long Goroka So.

Dispela raun bilong Greer i kam long PNG em i namba wan taim tru na em i tok dispela ol samting em i lukim i naispela tru na em amamas tru long dispela wokabaut bilong em i kam long kantri.

Narapela meri Anna Lin bilong kantri Taiwan i tok olsem em i save amamas tru long kam long Goroka Kalsarel So bikos planti ol kain bilas na kala bilong PNG em i narakain tru long wol na em i save amamas long kam long olgeta yia.

So i kam gut tru

Dispela 2005 Goroka So we i bin stap long wankain taim long amamasim namba 30 Independens selebren i bin kamap gut tru na i lukim

moa long 50,000 manmeri husat i kam long ol ples olsem Maunten Hagen, Simbu na tu ol distrik insait long Isten Hailans. Ples bilong So long NSI i bin pulap stret wantaim ol manmeri na pikinini.

Meba bilong Goroka na Intenet Sekyuriti Minista, Bire Kimisopa i bin opim dispela so na i givim gutpela toktok long promotim kalsa na pasin tumbuna long ol yangpela na tu long kamapim gutpela sindaun bihainim pasin bilong tumbuna.

Long dispela yia i lukim moa long 300 turis husat i bin kamap long Goroka Kalsarel So long las wiken i

bin mekim planti gutpela toktok tru olsem dispela samting ol i lukim long so em ol i no save lukim long narapela hap long wol. Ol i karim ol kamera bilong ol na raun kisim ol poto bilong ol singsing grup na i aigris stret long ol gutpela kala bilong bilas bilong PNG.

Oi turis husat i bin kam long lukim Goroka So long dispel yia i bin kam long ol kantri olsem USA, Taiwan, Japan, Australia an Itali. Planti long ol dispela lain turis i bin laik raun i go lukim ol narapela ples long PNG tasol taim ol i harim olsem Goroka So bai kamap ol i senisim progrem bilong ol na go long Goroka long



DAI TRU TRU? Nogat ya. Dispela singsing grup bilong Simbu i givim singsing na ekt na sanap antap long ol yet.



GOROKA NOGUT O? Meri turis bilong Taiwan Anna lin i raun kisim poto bilong ol singsing grup bilong Kui long Westen Hailans husat i bin stap long Goroka So.



STAIL YA! Turis bilong Amerika, Greg Greer i sanap wantaim tupela mama bilong Simbu long Goroka So las wiken.

lukim dispel naispela so.

Ol dispela lain turis i kam long planti kantri tru long wol long lukim ol tumbuna singsing na bilas bilong Papua Niugini. Ol i soim stret bilas an kala belong ol i mekim ol ovasis turis i aigris stret na kisim planti gutpela poto tu.

Namba 6 taim bilong wanpela turis

Wanpela turis bilong kantri Taiwan, Anna Lin, i tok olsem dispela raun bilong em long Goroka So em namba 6 taim. Em i tok las yia em i bin kam wantaim 150 wantok bilong em. Dispela yia em i bringim 9-pela Wantok bilong em i kam long lukim Goroka So.

Long dispela yia Goroka Semba ov Komes na Industri i bin go pas long lukautim so.

Maski olsem ol i gat sotpela taim long redim progrem bilong so, gutpela spona i kam gut bikos ol i gat bilip stret long komiti long ronim so gut. Dispel yia Presiden bilong Goroka Semba ov Komes, Terry Shelley i go pas long en i kisim wok bilong lukautim so wantaim helpim i kam long gutpela man em i makim olsem presiden belong Goroka Kalsarel So Sosaiti em Himoni Lapiso.

Tupela bikpela kampani husat i givim gutpela helpim tru long kamapim Goroka So long dispela yia em Coca Cola Amatil wantaim K20,000 an SP Brewery wantaim K20,000.

Ol arapela kampani olsem Trukai Industri, Farmset, Kopi Industri Koporesen an ol arapela kampani moa i

givim gutpela sapot tru.

Planti ol lain husat i wok olsem komiti insait long dispela Goroka Kalsarel So sosaiti em ol lain volantia tasol. Olgeta i no kisim pei tasol ol i putim taim belong ol igo insait long helpim na ronim.

Faippela ten krismas bilong Goroka So

Goroka So long dispela yia i makim faippela ten (50) krismas belong en. Tasol ating bikos wok redi i kam leit liklik, i nogat bikpela to save i kamap tumas long amamasim dispela 50 krismas o jubili bilong dispela bikpela so.

Planti ol manmeri insait long Goroka taun an tu long ol vilesna hauslain i bin tingting planti olsem ating so long dispela yia bai i no inap kamap gut.

Tasol stat long Fraide inap Sande, ol yet i lukim stret olsem ol samting we i kamap insait long so i bin gutpela tru na pulim stret laik bilong planti manmeri.

Coca Cola i bin bringim Leonard na Uralom Kania na Anslam Nakikus long pairapim musik bilong ol long stes long amamasim filings bilong ol yangpela husat i save skin kirap long musik.

Ol stol tu i soim ol kain kain samting long promotim wok long ol lain kampani. Kopi Industri Koporesen (CIC) i bin wokim wanpela gutpela stol tru na i salim ol 'ais kopi' we i pulim stret ai bilong ol lain manmeri na famili husat i go raun long dispela tripela de so.

Planti ol narapela lain tu i salim ol planti gutpela samt-

ing olsem bilum, tumbuna kaving, ol bilasbilong singsingna planti ol narapela gutpela samting long pulim ol turis long lukim.

Goroka So i bin stat olsem wanpela liklik agrikalsa so insait long 1950s. Em i go insait long rekot bilong gavman olsem wanpela bikpela so long kalsa na turisim bilong kantri taim em i bin kisim luksave long yia 1956. Namba wan taim tru dispela so i binkamap em long Nesenel De Pak arere tasol long bikpela Goroka Maket.

Long yia 1964 ol komiti i muvim ples bilong holim Goroka So i go long Nesenel Spots Institut (NSI). Stat long dispela taim i kam inap nau Goroka So i save kamap long NSI.

Ol lain husat i bin redim namba wan so na program bilong dispela so em ol lain colonial klap olsem Hubert Seale, Distrik Komisina bilong Isten Hailans na Simbu lan Holmes, distrik opisa Jim Taylor na James Sinclair wantaim helpim bilong ol lokol tidaman olsem leit Soso Subi, leit Bebe Umoha na Arinaso Taro wantaim Auwo Ketawo i mekim dispela so i kamap strong.

Long dispea taim insait long 1950s Isten Hailans na Simbu i save stap wantaim long wanpela distrik na hetkwata bilong en i bin stap long Goroka.

Tru tumas, dispela gutpela rekot bilong Goroka Kalsarel So long dispela yia i mekim ol manmeri i bilip olsem neks yia dispela so bai i go bikpela tru na bai puim moa turis lon kam lukim Isten Hailans na tu PNG.

Saina redi long 2008 Olimpik Gems

Ivan Bayagau i raitim bilong Wantok Niuspepa

MI BIN gat sans long makim ol Papua Niugini nius ripota insait long wanpela grup i makim Pasifik long go lukluk raun long kantri Saina insait long Esia rijen.

Gavman bilong Saina i bin oraitim dispela raun we bai moa long wanpela ten foa (14) Saut Pasifik niusman na meri i go long dispela wokabaut long Beijing, Shaanxi na Shanghai provins long Saina.

Mi wantaim narapela wan wok long PNG, Peter Niesi bilong Pos Koria Niuspepa i makim PNG long dispela wokabaut i go long Saina.

Nau yet Saina i wok long redi long lukautim bikpela pilai long spot insait long wol, Olimpik Gems long yia 2008 insait long bik siti bilong em, Beijing.

Taim mipela i pundaun long Beijing ples balus, mi lukim stret olsem dispela kantri i wok long redi long lukautim 2008 Olimpik Gems insait long Beijing siti we ol wokman i stretim Beijing Intenesenel ples balus long kisim planti balus husat bai karim ol pilaia i kamap long Beijing na tu long narapela tripela provins husat i bai lukautim ol narapela bikpela pilai long taim bilong Olimpiks.

Astingting bilong 2008 Olimpik Gems bilong Beijing em One World One Dream o Wanpela Wol, Wanpela Driman we i makim kamap bilong pis o' bel isi na gutpela sindaun insait long wol.

Saina i bin opim dua bilong em long wol treid we bai em i ken salim ol samting i go aut na baim ol samting long ol arapela kantri insait long wol.

As tingting bilong en em long lukautim dispela bikpela bung em bilong tokaut olsem Saina i redi long welkamim ol investa o bisnismanmeri bilong ol narapela kantri long kam insait long Saina.

Papua Niugini em i wanpela kantri we i save kisim gutpela wok bisnis aninit long dispela op do polisi bilong kantri Saina.

Moa long 1.7 bilien pipel

Saina i gat moa long 1.7 bilien pipel tasol insait long Beijing siti yet i gat moa long 15 milien pipel na i gat moa long 2.5 milien kar na moa long 10 milien baisikel husat i save ron long rot long wan wan taim.

Olabo, em i festaim bilong mi long lukim planti pipel long laip bilong mi. Dispela em ol man, meri, pikinini, lapun na yangpela wantaim husat i wokabaut long rot.

Taim bilong ol manmeri long wok em i stat long 8 kilok long moning na dispela bai ron i go inap 10 kilok long nait long olgeta de.

Mi yet i skelim olsem Saina pipel ol em ol lain bilong hatwok tru.

Redi long Olimpiks

Olsem mi bin tok pinis, Saina bai hostim dispela 2008 Olimpik Gems we bai i gat planti pipel insait long wol bai go long Beijing siti long pilai na tu lukim dispela bikpela pilai we bai i kamap long tupela yia.

Nau yet insait long Beijing siti ol wokman i wok hat tru long stretim ol rot bilong kar na tu bilong ol pipel long wokabaut.

Ol i wok long stretim ol flaua gaden na ol i planim nupela na naispela flaua and diwai long sait sait bilong rot.

Bel bilong pipel long Beijing i sut stret long lukim dispela olimpiks long kantri i kamap nambawan na bai winim ol narapela kantri husat i lukautim ol gems bipo.

Mi bin gat sans long lukim wok i kamap long Beijing Olimpik stediem we ol i bin stopim wok long 2003 long skruim mani mak bilong kontraksen bilong dispela stediem.

Disain bilong stediem ya bai luk olsem haus bilong pisin o long tok inglis ol i save tok 'birds nest'.

Plen bilong dispela stediem bipo em olsem ruf bilong stediem bai pas na op long laik bilong ol oganaisa yet.

Tasol bihain long ol kontrakta yet i skelim olsem dispela bai kaikaim planti mani tumas olsem na ol i stopim wok long 2003 long skelim gen disain bilong stediem.

Tasol wok i bin stat gen long 2004 na nau yet ol kontrakta i tok olsem ol stap long taim stret long pinisim dispela stediem bipo long pinis bilong 2007 na ol bai traime auto i fasiliti bilong stediem.

Mausman bilong Olimpik oge-naising komiti, Yuan Bin i tok olsem Saina bai sans long maketim prodak bilong em na tu promotim turisim indastri bilong em aninit long dispela open tred polisi bilong em.


Plantu ol biknem prodak insait long wol tu i soim laik long maketim ol prodak bilong en long dispela taim tasol Saina i no redi long kisim ol bikos ol samting bilong olimpiks i no redi yet.

Sekyuriti

Sekyuriti em i wanpela bikpela samting em Saina i gat salens long en.

Ol oge-naising komiti i bin toktok wantaim kantri Gris (Greece) na Ostrelia (Australia) long dispela as na tupela kantri ya bai helpim Saina long kamapim wanpela strongpela sekuriti fos.

Ol oge-naising komiti i tokim Wantok Niuspepa olsem dispela em i wanpela bikpela hevi bilong Saina gavman nau we planti



WOK REDI: Ivan Bayagau, man i raitim stori i sanap na baksait em ol wokman long siti Beijing Saina i hat wok long sanapim namba wan bikpela stediem bilong redi long Olimpik Gems long 2008.

teroris wok i kamap long wol na ol i les long lukim dispela hevi i kam long Saina.

Olsem na astoktok bilong dispela Olimpik Gems, Wanpela Wol, Wanpela Driman, i mas sanap strong long toksave long ol pipel husat i gat hevi long narapela kantri olsem ol i noken autim hevi bilong ol long dispela taim bilong Olimpik Gems.

Ol pipel i redi tu

Gavman bilong Saina i salim toksave i go long ol pipel olsem ol tu i mas redi long dispela bikpela bung long 2008.

Ol teksi draiva i mas lainim sampela tok inglis bikos bikpela tokples long Saina em i Mandarin, tasol long wan wan provins tokples i save tanim liklik wankain tasol olsem sampela tokples insait long PNG.


Ol biknem hotel tu i kisim toksave olsem ol mas stretin sevis bilong ol na apim stendet bilong hotel long kisim 5 sta level.

Mi bin lukim sampela nupela bilding i wok long kamap na ol wasman bilong mipela i tokim mipela olsem planti bilong ol em ol nupela hotel i kamap.

Tingting bilong mi yet

Long lukluk bilong mi yet, Saina bai inap long mitim dispela stendet bikos long dispela lukluk raun bilong mipela ol pipel bilong Saina ol i soim bikpela rispek na tu risponsibiliti long ol yet long lukautim ples bilong ol.

Maski long ol mipela i painim hat long toktok wantaim we tokples i bin banisim mipela long toktok wantaim mi bin lukim olsem ol i laik



ATIS PIKSA: Nesenel Stedium bai i kamap long Beijing Saina.



ATIS PIKSA: Olimpik vilis olsem dispela atis droing bai kamap olsem long 2008 Olimpik gem long Beijing.

tru long helpim mipela.

Papua Niugini i moa sans long laikim pasin bilong Saina long turis indastri, long wok bisnis na tu long sampela polisi bilong gavman.

Mi mas tok olsem dispela wok-

about em i wanpela wokabaut we mi bin lainim pasin bilong narapela kantri we yumi wan wan pipel bilong PNG i mas lainim long kamapim gutpela nem bilong PNG.

Long taim tisa painim 25 krismas

Andrew Molen i raitim

WANPELA gutpela samting inap kamap long ol tisa em long lukim ol sumatin bilong em i kisim gutpela wok o i gat gutpela sindaun na i mekim wanpela samting long laip bilong em.

Dispela em i toktok bilong Misis Susan Haiveta, wanpela sinia tisa bilong Sen Paul's Praimeri skul long Gerehu stes 6 insait long Pot Mosbi siti.

Misis Haiveta em i no wanpela tisa nating, em i wanpela tisa we planti manmeri tru i save long em bilong wanem em i mekim wok bilong em longpela taim tru.

Long sampela wik i go pinis, Sen Pauls praimeri skul na komyuniti long hap i amamasim silva jubili o tupela ten faiv (25) krismas bilong Misis Haiveta long em i stap wok long skul olsem wanpela tisa.

"Dispela em i bikpela ona tru bilong wanem mi ting olsem mi wokim wok bilong mi tasol na pasin ol mekim long mi em i bikpela tumas na mi amamas na tok tenkyu long skul long dispela," em i tok taim mi go bungim em long Mande long skul.

Stat yet long 1980

Misis Haiveta i bin kam stat wok long Sen Pauls Praimeri Skul long 1980 na em i wok tisa long hap i kam inap nau na amamas bilong em long ol sumatin, famili, komyuniti na Het tisa bilong skul, Mista Kandu husat i go pas long oge-nasim ol samting i bikpela stret.

Tupela ten faiv krismas tasol em i stap long Sen Pauls, tasol sapos yu bungim olgeta krismas em i wok olsem tisa na misis Haiveta i givim sevis long edukesen moa long tripela ten krismas olgeta.

Planti ol yangpela tisa long skul tu i save lukluk long em na traim long bihainim gutpela rekot bilong em long wok.

"Misis Haiveta i stap strong stret long wok bilong em, em i save

laikim tru olgeta manki na long mipela ol tisa em i olsem mama bilong mipela," Misis Helen Labu, wanpela tisa long Sen Pauls i tok.

"Long em i stap wok long hia em i wanpela bikpela samting stret. Sapos wanpela yangpela tisa, ol bai les o tait long stap wok long wanpela hap tasol em i givim olgeta save na strong bilong em long wok long hia," em tok long 25 yia bilong misis Haiveta long skul na komyuniti long hia.

Taim em i kam nupela em i skulim ol gred tu i go long faiv na long las nainpela yia i kam em i tisim ol gred seven na eit taim ol nupela edukesen rifom o senis i kirap.

"Em i gutpela tru long lukim ol sumatin i kisim gut save na ol skil na senis i kamap long pasin bilong ol, em i gutpela tru na yu tu bai i kamap olsem hap bilong laip bilong ol na ol bai i kamap hap bilong laip bilong yu," - Misis Susan Haiveta, long taim tisa"

Wanpela gol o samting bilong Misis Haiveta we em i save laik kamapim em long developim na apim save, ol strong na pasin bilong ol sumatin.

"Em i gutpela tru long lukim ol sumatin i kisim gut save na ol skil na senis i kamap long pasin bilong ol, em i gutpela tru na yu tu bai i kamap olsem hap bilong laip bilong ol na ol bai i kamap hap bilong laip bilong yu," em i tok.

Planti ol olpela sumatin bilong em i tingim olsem wanpela isipela meri husait i nogat kros tasol i save wokhat tasol long helpim na skulim ol manki bilong em.

"Em i no meri bilong toktok planti o bikhet, em i save stap isi tasol na sapos em i save long yu bai em i stori gut wantaim yu," wanpela

mama long komyuniti husat i save long em i tok.

Ol sumatin givim luksave

Ol sumatin bilong Misis Haiveta i save amamas long wok em i save mekim long ol. "Em i wanpela trupela tisa," wanpela sumatin bilong em, Kevin Kandu i tok. "Em i gat bilip long wok bilong em na mipela i save klia gut long wanem samting em i skulim mipela," narapela sumatin, Andrew Arua i tok. Em yet tu i tok olsem sampela ol bikpela samting i kamap long wok bilong em, em long tisim ol manki na traim long kisim na salim planti olsem 50% o moa bilong ol wantaim helpim bilong ol narapela wanwok i go long hai skul. "Dispela em i wanpela bikpela samting tru long mi," em i tok.

"Wanpela hailait bilong mi tu em taim tripela bilong ol gred sikis sumatin bilong mi long 1989 i winim skolasip long gred ten long i go skul long Australia," em i tok wantaim liklik smail taim em i tingim bek.

Narapela em i tok em long kisim diploma bilong em.

Em i tokim ol dispela sumatin bihain olsem ol i gat planti narapela tisa i skulim ol tu tasol ol i tok em i mekim gutpela wok long ol taim ol i stap daunbilo yet.

Long dispela yu i ken lukim olsem dispela meri em i wanpela meri bilong laikim tu ol pikinini na ol sumatin bilong em.

"Yes, taim mi liklik yet mi save laikim ol pikinini na liklik manki," em i tok.

Misis Haiveta nau i save tisim Metimetiks o skul long namba bilong ol gred seven na eit tasol bipo long ol senis i kamap em i save tisim planti ol narapela subjek olsem wanpela praimeri tisa.

"Mipela ol praimeri tisa i nogat wanpela subjek tasol we mipela i save tisim, tasol bihain long ol senis i kamap mipela i traim wok strong na taim mipela i kisim gret seven na eit mi save tisim olgeta subjek tasol stat long 1998 i kam mi wok long tisim metimetiks," em i tok.

Strongpela lotu meri

Wok bilong Misis Haiveta i no stap insait long banis bilong skul bilong em tasol. Em i wanpela strongpela meri bilong lotu na i save givim planti han long wok bilong Katolik komyuniti long hap. Em i save stap tu olsem lida bilong ol mama grup na ol narapela grup long dispela peris.

Mama i karim Misis Haiveta long Lae long 1951 we em i bikpela na i skul long prep i go long gred tri long Lae intanesenol skul long 1957 i go long 1960. Bihain long 1960 yet em i go bek wantaim famili bilong em long ples Moveave long Galp provins.

Long 1964, em i go wokim hai skul bilong em long Yule Ailan long Sentrel provins yet we em i joinim Sacred Heart koles bilong ol tisa long hap long 1967. Em i pinis long hap long Novemba 1968 olsem wanpela 'C' kos tisa long



LONGPELA SEVIS: Misis Haiveta insait long opis bilong em.

tisim ol prep i go long gred siks na wanpela yia bihain em i go tisim ol gred faiv long St Patricks Demonstresen skul long Yule ailan yet i nap 1970.

Long 1971 i go long 1972 em i stap long Sen Pauls Praimeri skul long Veifa'a long Sentrel provins. Wanpela yia bihain em i go bek long Galp ken we em i tis long Kavava praimeri skul long thu. Long hap em i go long ples bilong em ken we em i tis long Moveave praimeri skul long 1974 i go long 1975.

Misis Haiveta i lusim Galp provins long 1976 taim em i kam tis long Sacred Heart praimeri skul long Hohola long Pot Mosbi i go i nap long 1979.

Em i stat wok wantaim Sen Pauls praimeri long Gerehu long 1980 na dispela yia i makim 25 yia bilong em long dispela skul.

Laip i pulap long senis

Laip bilong Misis Haiveta i olsem senis bilong san, win na ren. Em i amamasim planti samting na bungim planti salens long wok na

laip bilong em. Em i swim brukim wara i tait, solwara, kapsait long kanu, wokabut longpela rot long tudak na planti moa.

Las yia ol dokta i tok em i gat kensa long susu bilong em we i lukim dokta i katim em, tasol ol i tok em i orait.

"Bihain long dispela mi orait hari-ap tru na nau mi kam long tisim ol gred seven na eit ken olsem etmin-istresen i askim," em i tok.

Misis Haiveta i gat foapela pikinini nau, tupela mah na tupela meri, wanpela bilong ol, Geraldine i bihainim lek mak bilong em na i wanpela tisa tu long sem skul. Em yet i tis eitpela yia pinis, faipela bilong dispela em long Sen Pauls.

"Mi ken tok olsem em kamapim gutpela wok," em i tok.

Wok bilong Misis Haiveta i no pinis yet na em i laik bai ol narapela wanwok bilong em i mas wokhat long helpim ol sumatin bilong ol.

Long ol em i tok: "Mi laik bai ol wanwok i mas wokhat long helpim ol manki bai ol i ken kamap ol gutpela manmeri bilong kantri."



SAVE LAIKIM: Misis Haiveta i save laikim tru ol manki na ol sumatin bilong em.



YANGPELA TISA LUKSAVE LONG EM: St Pauls nau i gat planti ol yangpela tisa husait i save lukluk long em olsem gutpela modol long bihainim.

Reks Ben strongim musik bilong ol yet

LAS WIK mi bin stori long nupela Independens albam dedikesen bilong P2-UIF, PNG Paradise. Dispela taim nau, mipela i lukluk long wanpela ben i stap long taim tru insait long kantri.

Inap wanpela ten sikis (16) kris-mas olgeta na i strong yet long kain singsing bilong Morobe. Dispela grup em i namba wan ben long 1980s na 1990s. Dispela ben em i Reks Ben bilong Finsafen.

Ol memba bilong Reks Ben i bin sori tru taim drama man bilong ol, leit Dongang Avini i bin indai long wanpela birua long kar long Lae long ileksen taim long 1997. Dispela hevi i bin bagarapim stret sindaun bilong ben.

Ben Lidaman na singa bilong ol, Bongas Gango na ol driman bilong em long bosim tru PNG musik industri i bin bagarapim long ol yia bihain taim Reks Ben i bin lusim strongpela lukluk bilong em.

Bongas na wanpela arapela memba bilong ben, Casper Kumbu i bin bihainim ol solo wok bilong ol tasol ol i no bin mekim bikpela nem bilong ol na wan wan long ol singsing bilong tupela i no strong tumas. Dai bilong poroman bilong ol, Don, ating i bagarapim tru strong bilong ol.

Bongas kirapim bek

Tasol mi yet mi save long Bongas, na em i wanpela man bilong pait strong tu ya. Em i no save larim ol samting i daunim em. Taim Casper i strong long mekim nem bilong em yet, Bongas i luksave olsem ol lain manmeri i save laikim tru musik bilong ol i laikim yet pairap bilong Reks Ben. Olsem na long 2000, em i bungim sampela manki na kamapim wanpela ben gen aninit long Reks Ben nem. Ol i go lukim CHM long traim katim wanpela narapela albam bilong Reks na karim nem bilong ol we i bin strong long 80s na 90s taim ol i rekot aninit long PGS lebol.

Dispela ben we i bin givim mipela ol namba wan singsing olsem Sengu Gefo, Kantri Bilong Yumi, Swit Finsch na ol arapela biknem singsing i bin kirap bek long matmat na givim toksave olsem Reks Ben i kam bek gen insait long PNG musik industri wantaim nupela strong long karim ol bikpela singsing i to long ol musik fens bilong en.

Ol i gat wanpela nupela lainap wantaim wanpela nupela stail pairap bilong ol. Ol i yusim ol kain

kain nupela rot bilong tanim musik na ol manmeri husat i bin laikim musik bilong Reks Ben bipo, lukaut long ol gen.

Nau ol i stap insait long PNG musik inap long wanpela ten sikis krismas na ol namba wan pikinini bilong Finsafen i wok long kamautim sampela long ol naispela musik tru we pairap bilong ol i 'swit moa' tude.

Taim ol i bin stap antap tru long PNG musik industri, Bongas Gango na ol namba wan Reks Ben memba i bin katim sikispela albam namei long 1989 na 1997. Ol dispela sikispela albam i bin kukim stret PNG Top 20 long stat bilong 1990s. Narapela biknem ben bilong Rabaul, Barike tasol em i wanpela ben i bin rausim ol wantaim nesenel singsing bilong ol Wan Kantri long 1992.

Strong bilong ol i bin kamap long han bilong PGS Produsa Greg Seeto long Malaguna Rot Studios

"Em i wanpela bus albam, tasol pairap bilong em i klia tru na yu ken harim stret pairap bilong ol tumbuna musik bilong Finsafen i bung wantaim ol musik bilong nau na strongpela regei bit," Ivan Anengo, menesa bilong nupela Reks Ben, i tok.

long Rabaul, pastaim long tupela maunten paia i bin pairap long 1994. Long dispela taim, Reks Ben i bin brukim stret PNG musik.

Wanpela ten sikis krismas bihain, Reks Ben i kam bek gen na ol i rilisim pinis wanpela nupela albam ol i kolim Bringim Peace. Dispela em i namba wan albam bilong ol aninit long CHM lebol. Na ol i kirapim das pinis wantaim wanpela nupela singsing Finsch Swit Moa, wanpela singsing we ol i bin tingting long putim long dispela namba wan nupela albam. Dispela singsing em ol i bin makim long kamaut long namba tu albam bilong nupela Reks Ben.

"Bihain long mipela i stretim olgeta singsing mipela i lukim olsem i gat inap singsing bilong tupela albam," Ben Menesa Ivan Anengo i tokim mi. "Tasol namel long ol dispela singsing mipela i



luksave olsem nogat wanpela long ol dispela singsing em bilong Finsafen".

Em nau mipela i go bek gen, na Ivan i raitim dispela nupela singsing Finch Swit Moa. Tasol i bin i gat wanpela moa hevi. Ben i no bin klia gut sapos dispela singsing i bin gat inap strong long stap insait long namba wan albam bilong ol.

Olgeta i bin paitim tok na wanbel long en na dispela singsing i kamap laspela singsing long dispela Bringim Peace albam. Na Reks Ben i kirap nogut taim ol produsa i makim olsem singsing we bai i karim dispela albam.


Dispela singsing i gat vidio klip bilong em pinis we ol i kisim ol piksa long ol naispela hap bilong

Finsafen. Em i kamap pinis long EMTV.

"Em i wanpela bus albam, tasol pairap bilong em i klia tru na yu ken harim stret pairap bilong ol tumbuna musik bilong Finsafen i bung wantaim ol musik bilong nau na strongpela regei bit," Anengo i tok. "Tasol narapela bikpela singsing em singsing Siapan Sukiyaki we Bongas yet i singsing wantaim ol toktok bilong en stret. Em i bin lainim dispela singsing taim em i bin go lukluk raun long kantri Siapan long Japan long 1995".

Kukim Siapan

Long Oktoba 19 1995, Reks Ben i bin pundaun long Kansai Ples Balus long Osaka siti long Siapan raun mekim wanpela tupela wik raun long namba tu bikpela siti long Siapan na Kobe.



NAMBA WAN ALBAM: Nupela Reks Ben long 2005 - Bringim Peace.

Bipo Eksekutiv Produsa bilong Pacific Gold Studios, Greg Seeto i bin rait insait long Music megesin long 1995 olsem ol ben memba bilong Reks Ben em wanpela long ol PNG ben tasol husat i bin mekim bikpela raun long Japan long 80s na dispela i bin wanpela bikpela raun long laip bilong ol.

Reks Ben i bin bung wantaim John Wong na Patti Potts Doi bilong Tarikana husat i bin go long Siapan bihain long ol i bin pilai long Warana Festival long Brisben, Australia.

Mista Seeto i rait olsem dispela tingting long pilai raun long Siapan em tingting bilong Tatsuya Fujino, wanpela man Siapan husat i bin wok olsem Sekretri bilong PHD Faundesen (Peace through Health & Human Development), wanpela Siapan NGO ejensi i save skulim ol fama insait long Finsafen long ol nupela rot bilong mekim wok agrikalisa na yusim gut graun bilong ol.

Fuji, em ol manki long Reks Ben i save kolim em, i bin laik soim hap bilong kalsa bilong Finsafen i go long sampela Siapan bisnis man husat i bin givim helpim long developmen i kamap insait long Finsafen yet. Long stat bilong 1995 yet Fuji i bin kam long PNG na harim bikpela wok bilong ben na em i tok Reks Ben em i rait kalsa ben bilong raun i go long Kobe na Osaka.

Seeto i rait olsem olgeta hap ben i go long pilai, ol Siapan manmeri i amamas tru long lukim ol. Ol konset i bin kamap gut tru na ol Siapan pipel i bin ai op tru long lukim ol tumbuna bilas, pairap bilong kundu na ol mambu paip. Ol i no lukim ol dispela kain samting bipo; ol dispela narakain pipel wantaim dispela narakain musik bilong ol i kam long wanpela arapela kantri olgeta.

"Long olgeta konset we ben i bin pilaim singsing Sukiyaki, ol Siapan pipel i amamas long harim wanpela singsing bilong ol em ol narapela lain i singsing," Seeto i stori.

Ben i bin pilai tupela taim long Kobe na ol arapela wan wan pilai na klinik bilong ol pipel long paitim tok long save moa long PNG. Insait long Osaka siti, Reks ben i

bin stap insait long wanpela bikpela progrem ol i kolim Osaka Big Adventure we i gat ol musik bilong PNG, Australia, Malaysia, Korea, Thailand na ol arapela Esia kantri. Bihain ben i bin pilai tripela taim long Osaka Intanesenel Pis Senta we ol pipel i bin laikim tru.

Nupela Reks Ben

Long 2005 nupela Reks Ben em Bongas Gango husat i stap yet olsem lit singa, Jack Giamsa em i nupela lit gitaman, Benjamin Yufugo i sanap baksait long ridim gita na Hevirinec Hebe i pilai bes, Miri Sevese, wanpela man tasol i no bilong Morobe i pilai kibot na Harty Tomiyang i sindaun long drams.

I gat tupela arapela bikpela singsing long dispela albam we ben i gat bikpela tingting olsem ol manmeri bai laikim tru. Em dispela singsing na nem bilong albam Bringim Peace, we Bongas i raitim bihainim ol samting i kamap insait long 1992 ileksen na Freedom, we i gat wanpela yangpela meri bilong Aroma, Sentrel Provins.

Ravu John em i wanpela skul sumatin bilong Maneamanea Praimari Skul long Hula na i bin stap malolo long skul wantaim ol wanfamili long Pot Mosbi taim em i kisim sans long singsing wantaim Bongas long tupela singsing.

Em i wanpela meri tasol husat i bin laik singsing long dispela tupela singsing. Reks Ben i painim pinis taim na ol toktok bilong dediketim i go long bipo drama bilong ol, Don insait long singsing Dongang.

Ol studio rekoding i bin stat long mun Septemba 2004 na i no bin pinis inap mun Novemba. Albam yet i bin kamap long mun Julai long dispela yia.

Ol singsing long Bringim Peace albam em ol i singsing long tok ples Inglis, Tok Pisin, Kote, Melpa na dispela wanpela long tok ples Siapan....Domo arigato gozaimasu.

****Yu ken ridim ol stori blong Musik olgeta Mande insait tasol long The National**



RAUN LONG SAPAN: Reks Ben taim ol i pilai long Osaka siti long kantri Japan.



Laikim Penpren

Nem: Bahite Gahiro
 Krismas: 25 (man)
 Adres: C/- Reuben A, PO Box 521, Waigani, NCD
 Save laikim: Pilai volibol, go long lotu na ritim Baibel.

Nem: Hiso Benn
 Krismas: 29 (man)
 Adres: Navarai Plantation, PO Kimbe, West New Britain Province
 Save laikim: Go lotu, pilai soka na wokim ol gaden na raun wantaim ol pren.

Nem: Billy Joseph
 Krismas: 17 (man)
 Adres: Margarima High School, PO Box 33, Mendi, Southern Highlands Province
 Save laikim: Pilai ragbi, ritim komik na go lotu long Sande.

Nem: Velisa Joshua
 Krismas: 15 (meri)
 Adres: Bema High School, PMB Bema, PO Lae, Morobe Province
 Save laikim: Lokel musik, Sande lotu, wokabaut long bus, tok pilai na raitim pas.

Nem: Jack Tagube
 Krismas: 16 (man)
 Adres: Margarima High School, PO Box 33, Mendi, Southern Highlands province
 Save laikim: Pilai gita, harim musik, go lotu long Sande, tok pili na lukim video.

Nem: Joe Albert
 Krismas: 16 (man)
 Adres: Protect Wormald Security, PO Box 788, Lae, Morobe Province
 Save laikim: Skelim musik na pilai soka.

Nem: Aileen Konido
 Krismas: 16 (meri)
 Adres: Kimbe Secondary School, PO Box 225, Kimbe, West New Britain Province
 Save laikim: Harim musik, go long lotu, waswas long wara, pilai soka, pilai kibod na mekim fani wantaim ol pren.

Nem: Faustina Murray
 Krismas: 25 (meri)
 Adres: PO Box 6142, Boroko, NCD
 Save laikim: Foren Kalsa, bungim stem, raitim pas, singsing, musik, kompiuta, ol lotu samting.

Nem: Norma Korewa
 Krismas: 19 (meri)
 Adres: Bishop Wade Secondary School, PO Box 220, Buka, Bougainville Island
 Save laikim: Riding, pilai spot, raitim pas, tok pilai wantaim ol meit.

Nem: Miss Gladys Lovlark Rhule
 Krismas: 22 (meri)
 Adres: P.O. Box CC.1317, Oguaa-Kotukuraba C/R, Ghana, West Africa
 Save laikim: Ritim buk, harim musik, senisim presen na pilai spot.



STORI TUMBUNA

WANPELA taim wanpela brata i bin stap. Na long wanpela taim, namba wan pikinini man i go painim abus long bus wantaim dok, ol kaikai na wantaim ol bunara na spia bilong kilim kapul.

Longpela taim i go pinis na em i no kam bek. Na narapela taim gen, namba tu pikinini man i go long painim abus long sem bus na em i no kam bek. Na namba tri pikinini man i bihainim tupela i go long bus na em i no kam bek.

Wankain pasin i go i go inap long laspela pikinini man i go painim ol brata bilong em. Nem bilong dispela man em "Andamali". Em min olsem em i save bel hat hariap.

Em i redim kaikai, bunara na spia na wokabaut i go long bus wantaim dok bilong em. Em i kamap namel long bus na putim ol samting bilong em long liklik haus i stap long hap. Em i lukluk raun na i lukim ol kaikai ol brata bilong em i bin karim i go i sting na sampela i gro long hap.

Em i tingting planti tru long wanem samting tru i bin kamap long ol brata bilong em. Kwik taim tasol em i wokim paia na em i slip liklik. Em i slip olgeta na i driman na lukim olgeta brata bilong em.

Ol i kam long driman na tokim em, taim yu painim kapul

i go long nait bai yu lukim wanpela gutpela karuka i stap.

Ol i tokim em long noken go antap na katim prut bilong en. Em mas sutim dispela karuka wantaim spia bilong em. Ol i tokim em olsem dispela karuka i bin kaikaim ol. Klostu em ting em i tru na kirap tasol em i driman.

Em i kisim bunara na spia bilong em na go painim kapul aninit long lait bilong mun. Na klostu em i kam long dispela karuka diwai em i driman long en.

Em i makim stret na sutim dispela karuka. Dispela karuka prut i pundaun na kra i raun i go long bus. Andamali i painim em i go na kamap long narapela hap bilong bus na de bruk. Em i sindaun arere long wara na lukim planti yangpela meri i wok long sinsing na planim taro long gaden.

Em i wok long lukluk na planti ol i kam dring wara klostu long em. Na em i lukim wanpela naispela meri i kam dring wara na em i laikim em tru. Nau Andamali i tanim em yet na kamap olsem moskito na go wantaim wara.

Taim meri i dringim wara em i dring wantaim dispela moskito. Sampela taim bihain meri yah em i kisim bel. Ol susa bilong en ol i askim em, "tru nogat wanpela man i stap long hia, olsem wanem na yu gat bel?" Na meri yah tok, "mi no

save wanem samting i kamap long mi"

Klostu 9-pela mun na em i karim pikinini man. Taim ol i planim taro ol i makim wanpela long nem bilong dispela pikinini na planim.

Bebi i kamap bikpela na mama i tokim em olsem em i planim taro bilong em taim em i karim em. Planti taim pikinini i go long gaden na sutim as bilong taro bilong en wantaim ol spia.

Wanpela taim ol mama i dikim ol taro na painimaut olsem taro bilong dispela pikinini i sting insait na bagarap.

Ol i putim narapela gutpela taro long kisim ples bilong en. Long apinun pikinini i kam long haus na mama i tokim em olsem taro bilong em i bagarap.

Olsem na ol i putim narapela gutpela taro bilong em. Tasol pikinini i no wan bel. Em i askim taro bilong em tasol. Na olgeta mama bungim plenti taro na givim em.

Pikinini man i no wan bel olgeta na tok mi laikim taro bilong mi tasol.

Pikinini i kra i nogut tru na ai wara i pundaun. Em i wok long askim taro bilong em yet.

Mama i bel hat wantaim pikinini na i paitim na wipim em. Tasol pikinini i wok long kra i yet na i bihainim wanpela rot i kam long wanpela maun-

ten.

Mama bilong em i wok long bihainim em i kam tasol pikinini i no stop na lukluk long em. Pikinini i kam antap long dispela maunten na kra i stap.

Ol ai wara bilong em i pundaun na raunim em olsem wara. Mama i kam klostu na ai wara i olsem wara na karamapim em. Dispela ai wara i kamap olsem wanpela raun wara.

Mama i kam sanap long sait bilong dispela raun wara na em i kamap olsem karuka diwai. Na long sait bilong raun wara ol taro i gro.

Ol taro i retpela na raun wara tu i retpela. Dispela kala soim blut bilong pikinini man taim em i kisim bagarap long han bilong mama bilong em.

Dispela pikinini man i stap insait long dispela raun wara. Taim ol pipel i kisim ol samting klostu long raun wara, em i save bel hat na singaut.

Na sampela taim em i save kam olsem pikinini na paitim ol. Em i olsem wanpela spirit na wok klostu wantaim ol pipel ol hap.

Na nem bilong dispela ples i Andamos na nem bilong wanpela lain em Andamali. Dispela em i wanpela tru tru tumbuna stori.

Stori i kam long Ruben Wai AMK ples, Enga Province

Mi gat wari bikos mi no wok na mi laikim helpim

Dia Laipain
Mi wanpela long ol planti PNG man i nogat wok. Mi laik wok long sapotim famili bilong mi tasol olgeta hap mi laik lukluk long painim wok, ol i tok i nogat wok. Olsem na mi no wok na mi nogat mani.

Mi ting olsem planti pipel bilong yumi bai les long salim ol pikinini long lainim nupela rit na rait kalsa long bihain taim.

UNEMPLOYED

Dia Pren
 Bikpela wari bilong yu em, tru, yu bin lainim long rit na rait, tasol yu no inap painim wok long kisim mani long en. Planti pipel i ting olsem as long ol pikinini i go long skul em long lainim long rit na rait na kisim wok we em bai kisim mani long en. Mipela i klia long watpo ol pipel i gat dispela kain tingting



bikos ol namba wan lain i skul na lain long rit na rait i bin kisim wok.

Tasol save long rit na rait i gat planti arapela gutpela samting.

Piksa em sapos man i save long rit na rait, em bai save long planti samting i kamap long kantri na ovasis. Em bai save tu long rot bilong kirapim bisnis long ples olsem lukautim kakaruk na tu, em bai save long rait i go long ol gavman opisa long kisim etvais long groim ol krop na dinau mani long helpim em i karimaut ol wok na ol arapela samting moa. Dispela em rot we ol pipel long ol narapela kantri i

bin kamapim gut laip na sindaun -long yusim save bilong ol long rit na rait long ol kain rot. Las em bikos yu save long rit na rait, yu rait i kam long Laipain bilong kisim helpim. Mipela i hop olsem bai yu luk-save olsem save long rit na rait em i gutpela samting bikos em bai helpim yu na ol pikinini, maski sapos yu no inap long kisim pei wok.

Mipela i hop bai yu salim ol pikinini bilong yu i go long skul na ol bai kisim save na yusim long kamapim gut laip long ples.

Las, nau i nogat planti wok long PNG long inapim olgeta man bilong mekim na kisim pe long en. Planti pipel i mas go bek long ples na yusim save na trening ol bin lainim long skul long kamapim gut laip long ples.

Yu ken wokim olsem taim yu kirapim liklik bisnis, groim kopi, kakau na kumu samting bilong salim na kisim mani

long em. Edukesen Dipatmen nau i wok long traim senisim ol kos na progrem we ol i yusim long ol komyuniti skul na taim ol sumatin i lusim skul, ol bai lainim samting bai helpim ol developim na kamapim gut ples bilong ol na ol i noken kam tasol long taun long painim pei wok.

Laipain

Sapos yu gat wari o hevi, rait i kam long Lifeline, P O Box 6047, Boroko, NCD. Yu ken ringim mipela tu long telipon namba 3260011. Raitim trupela nem na etres bilong yu i kam na bai mipela i salim bekim long pas bilong yu. Mipela bai toktok long ol trupela samting yu askim long em tasol bai mipela i no inap long putim trupela nem bilong yu.



Bisnis bilong Groim Diwai Insait long PNG - Planim diwai long ol renfores eria

Rot bilong groim ol spisis diwai i save groa insait long PNG Alstonia scholaris (wait siswut, milk wud pain)




Nem bilong en: wait siswut, milk wud pain



Ples we em i save groa: Wait Siswut i save gro planti long ol ples i save kisim bikipela ren. Em i save laikim kain kain graun na ples bilong gro na em i ken gro i go inap 500mita antap long mak bilong solwara.

Wanem kain diwai: Wanpela namel i go bikipela diwai we i save gro inap 40 mita samting na bikipela bilong namel bilong em go inap 125 sentimita. Ausait skin diwai bilong em i braun o yelo na wait, em i smut, na i save bruk lik lik liklik, insait skin diwai bilong em i yelo i go braun samting waitpela wara bilong em. Bikipela bilong lip i ken go namel long na 22 sentimita. Ol flaua i gini na yek na gat naispela smel. Prinsipel long i longpela namel long na 400 sentimita na namel long 4 na 5 milimita bikipela long namel.

Rot bilong yusim: Wanpela kain diwai we i ken kisim bikipela mani. Timba bilong em i yelo na gat samting samting long em. Telaga bilong em i yelo na bikipela bilong em i yelo na long em. Em i save bruk lik lik liklik, insait skin diwai bilong em i yelo i go braun samting waitpela wara bilong em. Bikipela bilong lip i ken go namel long na 22 sentimita. Ol flaua i gini na yek na gat naispela smel. Prinsipel long i longpela namel long na 400 sentimita na namel long 4 na 5 milimita bikipela long namel.



McCARTHY & ASSOCIATES (FORESTRY) PTY LTD National & International Forest Consultants "Long kasim for sta long olweta wok diwai"

K2 winim K1000 kopi masin bilong Ojo

James Kila i raitim

WANPELA strong-pela ragbi piliap bipo husat i save pilal long Goroka Lahanis tim makim Isten Hailans insait long SP Inta Siti Kap Resis em Ojo Winis Molhae.

Dispela bagaros long las wiken i bin wanpela laki wina bilong wanpela Denlab kopi palpa masin taim ol lain i bin kolim nem bilong em las wiken long Goroka So.


Ojo, husat em wanpela kopi fama bilong ples Okesana we i stap long 4-mail klostu long Goroka taun i bin laki bihain long ol opisa bilong Kopi Industri Koporesen wantaim wanpela polisman i bin droim tiket bilong em.

Em i bin baim 4-pela tiket em prais bilong wanpela em K2 tasol long traim laki bilong em long CIC stol insait long wanpela rafol tiket resis ol i mekim. Em i kisim namba wan prais em dispela Denlab kopi palpa masin. Dispela masin, wok bilong em long rausim skin bilong kopi bihain long fama i pikim kopi long gaden.

Namba tu wina bilong dispela refol tiket resis i bin go long James Keho bilong Kompri insait long Henganofi distrik long Isten Hailans yet.

Keho i bin winim wanpela CP-15 nepsek spreia. Dispela em wanpela pam ol i save karim long baksait long pamim marasin long kopi gaden long givim fetelaisa na tu mekim narapela wok long en.

Dispela stol bilong CIC i bin soim planti gutpela samting tru long ol manmeri husat i go raun lukim Goroka So. Planti ol infomesen long wok bilong CIC long sait bilong wok risets,



LAKI MAN TRU: Ojo Muihae wantaim meri bilong em i sanap wantaim dispela Denlab kopi masin ol i winim long Goroka So.

ekstensen na tu ol wol maket prais na ol kain kain gret bilong kopi em ol i soim long dispela stol.

Planti manmeri tru i bin raun i go na lukim dispela stol na toktok wantaim ol opisa long wok bilong CIC na t long lukim wanem samting ol wokman bilong CIC i soim long stol bilong ol.

Planti ol narapela kampani na bisnis haus i bin soim ol prodak

bilong ol long dispela 2005 Goroka So.

Wanpela kampani we i soim tru wok bilong em long so em Farmset Limited, husat i bin bringim wokabaut somil bilong ol na tu em i putim long so graun wanpela hadwea stua bilong en we ol lain husat i raun long so i ken go tasol long hap na baim ol tuls na ol arapela didiman wok samting. Ol manmeri i bin

amamas tru long lukim ol wokman i yusim ol wokabaut somil long katim timba long kain kain sais.

Planti ol narapela kampani olsem Trukai Industris tu i bin soim trupela kala bilong ol long Goroka So taim ol i kukim rais na ol manmeri i bin go baim na kaikai. Ol i bringim tu ol masol man bilong ol long Lae i go long Goroka long soim masol bilong ol na promotim Trukai Rais.

Cat CS-563E CP-563E Vibratory Soil Compactors. Designed to provide... Outstanding Performance, Reliability and Fuel Efficiency.

The 563E Series Compactors are high production units. Standard dual amplitude, changeable from the operator's station, expands the application range. Operate in high amplitude to get density on thick lifts in the fewest passes. Operate in low amplitude when operating next to structures; when approaching final density or to avoid fracturing aggregates. Patented eccentric weight design assures positive amplitude selection and helps extend vibratory system service life. Hastings Deering CAT. Product People Commitment. We deliver. PORT MORESBY Spring Garden Road, Hohola, PNG Ph: (675) 300 8300 - Fax: (675) 325 0141. LAE PHONE 472 2355 FAX 472 1477 TABUBIL 548 9162 548 9155 RABAUL 982 1244 982 1129 LIHIR 986 4105 986 4107 KIMBE 983 5144 983 5144



PACIFIC BEAT

PNG mas daunim pasin korapsen - Kabui

PRESIDEN bilong Otonomes Rijen bilong Bogenvil i singaut long ol Papua Niugini lida long mekim wok insait long tripela ten krismas i kam long daunim pasin korapsen na ol hevi bilong lo na oda.

Ol dispela toktok bilong Presiden Joseph Kabui i bin stap insait long wanpela indipendens toktok i go long PNG olsem hap bilong tripela ten krismas indipendens bilong em. Bogenvil i bin kamap wanpela otonomes provins bilong Bogenvil long mun Jun long dispela yia na i wok long lukluk strong long kisim indipendens yet.

Husat i askim: Caroline Tiriman
Husat i bekim: Joseph Kabui, Bogenvil Presiden; Sir Peter Barter, Inta Gavman Rilesens Minista bilong PNG.

TIRIMAN: Presiden Kabui i tok olsem maski tripela ten krismas bilong indipendens i go wantaim planti taim bilong traim, PNG i mas kisim luksave long mekim bikipela wok kamap long sait bilong Bogenvil.

KABUI: Mipela i daunim olgeta ol hevi mipela i bungim na mipela i pinisim wanpela long ol bikipela pait tru i bin kamap insait long sauten hemispia long wol.

Na mipela i no inap tok olsem mipela i mekim ol dispela wok mipela yet. Mipela i tok tenkyu long ol Pasifik wansolwara bilong yumi, Australia, New Zealand, Fiji, Vanuatu, Solomon Islands, Tonga na Yunaitet Nesens yet, husat i helpim mipela. Olsem na ol tu i kam.

Olsem na mi ting ol dispela bikipela wok kamap, ol dispela hevi, ol taim bilong traim mipela i daunim, na nau mipela i bihainim ol dispela wok kamap long Bogenvil na mi ting ol dispela samting i mas givim bikipela toksave i go long ol lida bilong Papua Niugini. Ol i mas painim rot bilong daunim olgeta hevi nau PNG i bungim i stap.

Mipela harim stori long pasin korapsen, moa ripot long ol hevi long lo na oda. Olsem na mi tok olsem ol politikel lida bilong Papua Niugini, insait long dispela tripela ten krismas nau, taim ol i makim



pinis tripela ten krismas, i mas askim ol yet em wanem samting tru ol i mas mekim.

TIRIMAN: Moa long tenpela krismas i lus we Bogenvil i pait wantaim Papua Niugini.

Tasol long mun Jun bilong dispela yia, PNG i givim otonomi long ailan bihain long sampela krismas we bikipela paitim tok i kamap namel long ol arapela bikipela lain olsem Australia na Nu Silan.

Inta Gavman Rilesens Minista bilong PNG, Sir Peter Barter, i tok Bogenvil i wok long bungim wankain hevi PNG i wok long bungim nau.

BARTER: Ol, wankain olsem Papua Niugini, i gat ol hevi bilong nonap long bungim mani bilong sapatim gavman, long gat ekonomi wantaim otonomi em i bikipela hevi ol i traim long stretim nau yet, na em i wanpela samting we mi wok long traim long helpim ol long stretim.

O i gat wanpela baset o mani plen inap long K80 milien, olsem na i gat bikipela gep. Ating- namba wan bikipela hevi bilong ol em long pulamapim dispela hul bai ol i ken sanap long lek bilong ol yet na long samting olsem 10 o wanpela ten 5 krismas, sapos referendum i kamap,

bai ol i ken skelim gut tingting.

Nau yet we ol i nogat dispela kain mani, ol i no inap skelim gut tingting bilong ol.

TIRIMAN: Olsem ol wanlain long ol long bikipela, ol pipel bilong Bogenvil i bin amamasim tripela ten krismas bilong indipendens bilong ol. Mi askim Presiden Kabui sapos ol pipel bilong em i pilim olsem ol i stap hap bilong Papua Niugini yet, maski ol i kisim pinis nem bilong otonomes rijen.

KABUI: Ol pipel bilong Bogenvil i amamasim long dispela luksave na nem bilong Otonomes rijen i stap, i gat otonomes gavman i sanap, na ol i luskave, na mipela i save, olsem dispela otonomes luksave mipela i gat em i wanpela wok bung namel long Bogenvil na nesanel gavman olsem na i gat as bilong mipela long amamasim tripela ten krismas bilong indipendens bilong Papua Niugini.

Bogenvil i no indipenden yet. Dispela askim bilong indipendens em i wanpela askim we bai i kisim bekim long tenpela i go wanpela ten 5 krismas antap yet.

Olsem na long dispela taim nau, mipela bai amamasim tripela ten krismas bilong indipendens bilong Papua Niugini na mipela bai amamasim tu otonomes luksave mipela i kisim.

RADIO TOK PISIN PROGRAM	
TUNE IN: 101.9 FM	
Radio Australia Tok Pisin Program - stat long mun Mas 2005	
MANDE Moning	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
Nait	
7PM	Stesen Op
7.01PM	Ol Hetlain na Program Priviu
7.15PM	Spots
7.30PM	Nius na Karent Afeas
8PM	Helt
8.15PM	Musik
8.30PM	NIUS
8.40PM	Spots Riplei
8.55PM	Musik
9PM	Stesen Pas
TUNDE Moning	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
Nait	
7PM	Stesen Op
7.01PM	Ol Hetlain na Program Priviu
7.15PM	Musik na Chit-Chat
7.30PM	Nius na Karent Afeas
8PM	Mama Graun
8.15PM	Musik/Spots
8.30PM	NIUS
8.40PM	Helt Riplei
8.55PM	Musik
9PM	Stesen Pas
TRINDE Moning	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
Nait	
7PM	Stesen Op
7.01PM	Ol Hetlain na Program Priviu
7.15PM	Musik na Chit-Chat
7.30PM	Nius na Karent Afeas
8PM	Focus
8.15PM	Musik/Spots
8.30PM	NIUS
8.40PM	Mama Graun Riplei
8.55PM	Musik
9PM	Stesen Pas
FONDE Moning	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
Nait	
7PM	Stesen Op
7.01PM	Ol Hetlain na Program Priviu
7.15PM	Musik na Chit-Chat
7.30PM	Nius na Karent Afeas
8PM	Youth
8.15PM	Musik/Spots
8.30PM	NIUS
8.40PM	Focus Riplei
8.55PM	Musik
9PM	Stesen Pas
FRAIDE Moning	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
Nait	
7PM	Stesen Op
7.01PM	Ol Hetlain na Program Priviu
7.15PM	Musik na Chit-Chat
7.30PM	Nius na Karent Afeas
8PM	Wantok
8.15PM	Musik
8.30PM	NIUS
8.40PM	Youth Riplei
8.55PM	Musik
9PM	Stesen Pas
SARERE	
Nait	
7PM	Stesen op - Ol Nius Hetlain/Program Priviu
7.05PM	Musik na Chit Chat
7.30PM	Nius
7.40PM	Wantok
8PM	Lokal Ben
8.30PM	Nius
8.40PM	Musik/Chit Chat
9PM	Stesen Pas
SANDE	
Nait	
7PM	Stesen op - Ol Nius Hetlain/Program Priviu
7.05PM	Musik na Chit Chat
7.30PM	Nius
7.40PM	Femlii Blong Serah (Redio Plei)
8PM	Lukluk Bek Long Wik
8.30PM	Nius
8.40PM	Musik/Chit Chat
9PM	Stesen Pas

TOKSAVE, YU KEN HARIM RADIO AUSTRALIA TOK INGLIS LONG 24 AUA 7 DE LONG WAN WIK



4, 5, 6am & 4pm, 5pm including sport

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.

SOKA
POT MOSBI SOKA
GREN FAINEL
Sarere Septemba 24, 2005

Bisini 1
08:00 Markham Yarangs vs Maset D3
09:30 UBOG vs Tarangau D2
10:40 Bavaro vs Badili Utd U21
12:00 Los Negros vs Souths Utd W1

Bisini 2
08:00 Cosmos vs University U21
09:30 LBC Defence vs Souths Utd P/Res
10:40 Naniu vs Cellnet D1
12:00 WMI vs University WP
13:20 University vs PS Rutz primia

EVADAHANA SOKA ASOSIESEN
Sarere Septemba 24, 2004
ESA 1
08:00 Junction vs Batisalem meri
08:40 Kilengs vs Texas meri

09:20 Natare vs Names Res
10:00 Gara Utd vs Natare meri
10:40 D-Rats vs Siale meri
11:10 Liwale vs Graveside Res
11:50 Gaidi Utd vs Junction D1
12:40 D-Rats vs Siale Res
13:20 K T Mahnduz vs Graveside meri

14:00 Texas vs BS Natives D1
ESA 2
08:00 Nen Konok vs Simbai Utd meri
08:40 Gaidi Utd vs Namagawi meri
09:20 Country Roots vs Sapphire meri

10:00 Junction vs Kilengs Res
10:40 Natare vs K-Imindos meri
11:10 Finka vs Gee Neps Res
11:50 Names vs Natare D1
12:40 Gara Utd vs Gala Konok D1
13:20 Gaidi Utd vs Junction D1
14:00 Graveside vs Siale D1

Sande Septemba 25, 2005
ESA 1
08:00 Graveside vs Gee Neps meri

08:40 Wasu Crabs vs K-Imindos meri
09:20 BS Natives vs Sulu Res
10:00 Country Roots vs Simbai Utd meri

10:40 Batisalem vs Namagawi meri
11:10 Namagawi vs Gaidi Utd Res
11:50 Nen Konok vs Siale meri
12:40 Kilengs vs Finka D1
13:20 Gee Neps vs Siale D1
14:00 Sulu vs Liwale D1

ESA 2
08:00 K T Mahnduz vs Junction meri

08:40 D-Rats vs Gara Utd meri
09:20 Gaidi Utd vs Sapphire meri
10:00 Texas vs Gala Konok Res
10:40 AGM Roots vs Kilengs meri
11:10 Nalas vs Siale D1
11:50 Gara Utd vs Texas Res
12:40 D-Rats vs Natare D1
13:20 Namagawi vs Texas D1
14:00 Texas vs Gee Neps meri

NEW ERIMA SPOTS DRO
Sarere Septemba 24, 2005
MEN - TAS RAGBI
09:00 Hillside Spiders vs Neggie Dog
09:50 Southern Sons vs Gateway Rabbitohs
10:40 Mad Dogs vs Mt Eagles
11:30 Top Town Casino vs Inner Circle Dragons
12:20 Hidden Red Crocks vs Moitaka Cowboys
1:10 Border Panthers vs Maus Rot Crocks
2:00 21 Red Heads vs NYC Fire Safe

MERI - SOKA
12:00 5 Mile Crushers vs Jiwaka Kongos
12:50 Loose Pallets vs Boom Gate Jets
1:40 21 Red Heads vs Fourcofi Crushers
2:30 NYC Firesafe vs Nane Tigers

Sande Septemba 25, 2005
MEN - RAS RAGBI
09:00 Boomgate Jets vs Swamp Eels
09:50 Cinamex Blues vs Jiwaka Kongos
10:40 Loose Pallets vs 5 Mile Crushers
11:30 JS Warriors vs Megusa Crushers
12:20 BO Hunters vs Golf Spiders
1:10 Flames vs 5 Mile Animals
2:00 289 Top Street vs Out Cast Raiders
2:50 Taxi Base vs K Roosters
Bye: Katimo

MERI - SOKA
12:00 38 Specials vs Taxi Base
12:50 289 Top Street vs Inner Circle Dragons
1:40 FMT Slaves vs Mt Eagles
2:30 Sharp Rats vs JS Warriors
3:20 BO Hunters vs Kindino Sisters




RAIT OLGETA: Australia Praim Minista 13 we i winim PNG Praim Minista 13 34-0 long las wik 30 ya PNG Independen pilai i sanap amamas wantaim Kap.




TRAIM: PNG Praim Minista 13 huka Charlie Wabo i takolim wanpela Australia pilaia taim wan pilaia bilong em i sambai long helpim.



OL BIKMAN: Praim Minista Sir Michael Somare i sanap wantaim Gavana Jenerol Sir Paulias Matane (wantaim hat), PNGRFL siaman Sir Bob Sinclair na wanpela memba bilong Australia Gavman i sanap redi long stat bilong pilai.



GUTPELA TRU: Beautrice Bisia Geita i amamas long Steve Price, pilaia em i saptom long NRL pilai taim em i bungim em long welkam bung long Airways Hotel las Sarere.



WELKAM: Gavana Jenerol Sir Paulias Matane (han kais) na PNGRFL siaman Sir Bob Sinclair long welkam bilong Australia Praim Minista 13 Tim long Airways Hotel las Sarere.



WIN: Dem Carol Kidu (han sut) wantaim Sir George Constatino wantaim Ledi Constatino long welkam bilong Australia Praim Minista 13 las Sarere long Airways Hotel. Sir George i winim oksen bal em ol pilaia i sainim.



AMAMAS LONG YU: I luk olsem em samting Kevin Komun (han sut) i tok taim em i sindaun amamas long Brad Fitter, bipo Australia biknem pilaia na nau i helpim Mal Meringa long kosim Australia Praim Minista 13 long Airways bung las Sarere.



MAUS BILONG SAK: I luk olsem em samting dispela Sogeri Komyuniti Skul pilaia (Parramatta jesi) i mekim taim ol pilaia bilong POM Grama Skul i holim pasim em long Anda 16 Skulboi ragbi lig pilai long las Sarere. Tupela tim i dro 0-0.



GIVIM GUT: Yunivesiti pilaia Serah Gewabing i sutim bal i go taim ol i pilai wantaim IRC long Sauten rijinol soka sempionsip long Bisini soka graun las Sarere.



MIPELA INAP: Lae meri hoki tim i tok taim ol tasol long narapela senta i kamap long salens wantaim ol klab bilong Pot Mosbi long Nesenel Hoki klab Sempionsip long Gordons Sekenderi Skul las wiken.


Priliminari fainol

SAPOTIM HINDMARSH: Parramatta Eels huka Mark Riddell (han sut long piksa) tok ol bai mekim olgeta samting long winim Not Kwinslen Cowboys long dispel a wiken long tingim Nathan Hindmarsh (han kais long piksa) husat bai i no inap pilai.

Hindmarsh i bin brukim rop long lek bilong em long taim ol Eels i pilai wantaim Brisbane Broncos long tripela wik i go pinis.

Riddell i tok Hindmarsh strongpela pilaia long tim bilong ol osem ol i lukim em olsem em i "lewa na so!" bilong tim.

"Olsem mi bin tok long sampela wik i go pinis Hindy i olsem lewa bilong dispela sait sapos sampela lain i laik wok em long tingting long kisim Hindmarsh i kam insait na pilaiaim gren fainol," Riddell i tok. "I olsem mi tok pinis dispela em i gren fainol na olsem olgeta lain i redi long pilai."



NOGAT WARI! Wari long hevi long hevi bilong bodi em i no samting bilong St George Illawarra Dragons taim ol i bungim West Tigers long dispela Sarere.

Tasol Tigers husat i pilai malolo wanpela taim tasol long Julai i kam bek na i wok long kamapim ol strongpela pitai we dispela i lukim maski ol i kam bihain ol i mekim gut long go insait long ol fainol. Na long narapela sait ol Dragons i no kamapim ol gutpela pilai osem ol i mekim bipo.

Skipper Trent Barrett wantaim saveman bilong ol logn bek row Lance Thompson i tokaut stret long dispela hevi bilong ol. Ol i tok ol i mas mekim gut long dispela mak we ol i bin pilai wantaim ol Sharks sapos ol i laik winim ol Tigers. "Em samting bilong tingting we mipela i bin malolo sampela taim tasol taim mipela i kam bek mipela i win," Barrett i tok. "Malolo i gutpela tu."

NOGAT MALOLO: Gutpela pilaia bilong West Tigers na boi nogut bilong Nu Silan Benji Marshall (han sut) i luk olsem bai i nogat malolo bilong em bihain long em i pilai gut egensim ol faiv eit na kepten bilong Brisbane Broncos Darren Lockyer las wik nau bai em i traim bin wantaim kepten bilong Dragons Trent Barrett long dispela Sarere sait taim Tigers i kaikai wantaim Dragons.

Wantaim kain ol strongpela wok em i gat long mekim Marshall i tok isi na tok em i tuk-tuk tasol long bungim Barrett.

"Em i gutpela salens long mi long pilai egensim Trent Barrett, tasol mi bin toktok pinis wantaim kosa long dispela samting nau long moning (aste moning)," Marshall i tok.

"Tasol em i tok mi rgas wari long wei mi mas pilai long em na olsem mi no ken wari tumas long wei em bai pilai long em."

"Trent i strongpela pilaia na olsem oltaim mi save gat rispek long em."

Tasol long narapela sait Barrett i tok em i moa gutpela sapos ol i win.

"Mi laik bai mipela i mas win. Dispela i mas tingting bilong mipela," Barrett i tok.

"Benji ating i no save long stretim ol samting na olsem em i no save kik gut tu."



SAPOTIM O'DONNELL: Not Kwinslen Cowboy biknem pilaia Paul Bowman i askim ol selekta bilong Australia long makim wanpilaia bilong em Luke O'Donnell long stap insait long makim em i stap insait long Trai-Nesen pilai we bai kamapim namel long Australia, Nu Silan na Inglan.



"Tru tru em i stap antap long mak bilong ol top pilaia long wei em i save pilai na olsem ol selekta i save tingting long sampela lain tasol," Bowman i tok.

"I gat planti ol bekro pilaia husat i raunraun na stap na (long em i pilai yet) dispela em i gutpela long ol i makim em."



"Em i bin pilai gut wantaim mipela long las tupela yia," Bowman i tok taim em i tok pilai bilong O'Donnell i wankain olsem pilai bilong Parramatta Eels faiv eit Hindmarsh."

Dro

Sarere, Septemba 24- West Tigers vs St George Illawarra Dragons. Yu ken lukim long EMTV long 8.30 long nait.

Sande, Septemba 25 - Parramatta Eels vs Not Kwinslen Cowboys. Yu ken lukim dispela long EM TV long 4:00-6:00 avinun.

NO WARI LONG TOKTOK: West Tigers kepten Scott Prince i lap long ol opisa bilong NRL husat i makim tim bilong em olsem ol i stap namba wan long tingting bilong ol long go insait long gren fainol. "Mi laikim tru pren, (Mi em) man Kwinslen," Tigers pilaiaimaka husat i traim long larim dispela toktok i stap longwe ol St George Illawarra Dragons na Parramatta Eels.

Ol pilaia bilong Dragons na Eels long kem bilong ol i tok wantaim olsem ol Tigers i luk olsem bai kamapim sampion bihain long ol gutpela pilai em ol i kamapim long las tupela wik. "Ol Tigers i pilai gut long na olsem ol i mas stap long go insait long fainol," Mark Riddell i tok.



Ol tim lain ap

Ol tim bilong priliminari fainol long Sarere na Sande, 24-25 Septemba, 2005.

<p>St George Illawarra v Wests (Saturday 7:45pm, Sydney Football Stadium)</p> <p>Dragons: Clint Greenshields, Colin Best, Mark Gasnier, Matt Cooper, Wes Naikama, Trent Barrett (c), Ben Homby, Luke Bailey, Dean Young, Jason Ryles, Ben Creagh, Lance Thompson, Shaun Timmins.</p> <p>Senis: Michael Henderson, Justin Poore, Corey Payne, Michael Ennis, Ashton Sims (one to be omitted).</p> <p>Tigers: Brett Hodgson, Daniel Fitzhenry, Shane Eford, Paul Whaitira, Pat Richards, Benji Marshall, Scott Prince (c), Anthony Laffranchi, Robbie Farah, John Skandalis, Ben Galea, Mark O'Neill, Dene Halatau.</p> <p>Senis: Liam Fulton, Chris Heighington, Bryce Gibbs, Todd Payten.</p>	<p>Parramatta v North Queensland (Sunday 4:00pm, Sydney Football Stadium)</p> <p>Eels: Wade McKinnon, Luke Burt, Ben Smith, Timana Tahu, Eric Grothe, John Morris, Tim Smith, Nathan Cayless (c), Mark Riddell, Paul Stringer, Daniel Wagon, Glenn Morrison, Chad Robinson.</p> <p>Senis: PJ Marsh, Dean Widders, Michael Vella, Adam Peek, Luke O'Dwyer, Fufui Moimoi*, Aaron Cannings (three to be omitted. *Moimoi selection pending a possible appeal).</p> <p>Cowboys: Matt Bowen, Ty Williams, Josh Hannay, Paul Bowman, Matt Sing, Johnathan Thurston, Brett Firman, Paul Rauhihi, Aaron Payne, Shane Tronc, Steve Southern, Luke O'Donnell, Travis Norton (c).</p> <p>Senis: David Faiumu, Jacob Lillyman, Justin Smith, Mitchell Sargent, Rod Jensen (wanpela</p>
---	--

Marsh Long Kos Nesenel swimming sempionsip

MOA long 100 swima bai kamap long nesenel long kos swimming sempionsip we bai kamap long Sir Donald Cleland pul long dispela wiken.

Dispela sempionsip bai stat long tumora na pinis long Sande.

Presiden bilong PNG Swimming Inc, Elizabeth Wells i tok dispela sempionsip i kamap long helpim Swimming Inc. i makim ol pilaia bilong Developmen na Target skwat.

Em i tok dispela skwat i bilong helpim Inc i makim ol swima long go long ol bikpela pilai olsem long narapela kantri.

Em i tok tu oisem PNG swimming sempion Ryan Pini tu kamap. Wantaim em em Anna Lisa Mopio. Tupela bai kam long Australia.

Ol swima bai traim 50 na 100 mita long bataflai, bekstrok, brestrok na individual medli.

Ol lain husat i winim ples long developmen na taget swkat bai go long Novemba Pasifik Skul sempionsip long Melbon bihain long dispela yia. Na Pini wantaim Mopio bihain long dispela sempionsip bai go long Not Kwinslen FINA saksen swimming sempionsip long Brisbane long Novemba.

Krismas bilong ol lain husat bai kamap na swim i stat long 8 i go inap 25.

Kuima sempion bilong Mungnepe Kap

KUIMA i sempion bilong man na meri soka tim long Mungnepe Soka Kap bihain long Independen wik pilai.

Tupela tim i mekim gut long winim kap wantaim praismani olsem K200 bilong man na K150 bilong meri.

Oganising komiti siaman John Kalo i tok dispela em i namba wan taim kain bikpela pilai i kamap na i kamap gut.

"Maski Memba i no kamap long lukim ol pilai bikos long hevi bilong balus tonamen i kamap gut," Kalo i tok. "Olgeta tim na man-meri husat i kamap i amamas long pilai em ol i kamap na planti i lukluk narapela yia long salens gen.

Na long kamap bilong ol tim long ol man bihain long Kuima em Laima husat kisim tropi wantaim K150 praismani, Terije long namba tu wantaim K100 na Atipe long namba foa ples wantaim K80 praismani.

Long tim bilong ol meri kamap namba tu em Terije wantaim K120 praismani, Laima namba tu wantaim K100 na Sare namba foa ples wantaim K80 praismani.

Wantaim dispela ol prais i gat ol narapela prais olsem konsolosen, most improved na bes en feares prais. Kalo i go narapela yia na ol yia kam ol prais bai go antap.

"Las yia dispela tonamen i stat tasol i kamap aninit long nem bilong Garaina soka tonamen na dispela yia Memba John Mungnepe i sponsaim na putim aninit long nem bilong em."

Em i tok dispela Kap bai ron inap long 2009. "As tingting bilong dispela tonamen em long bungim olgeta pikinini bilong Waria Garaina insat long 18-pela wod kaunsel eria bilong Waria Lokeok Level Gavman kaunsel na tu long Wau. Bulolo, Lae na Pot Mosbi," Kalo i tok. Insait long dispela tripela yia olgea pilai bai i stap long as ples insait long Waria LLG eria yet.

Ol praisman bilong wanwan yia stat long 2006 i go em namba wan ples em Sil wantaim K400 praismani, namba tu ples tropi na K300 praismani, tri na foa ples em tupela bai kisim tropi wantaim K250 na K150 praismani.

Praismani bilong wanwan ples bai go antap K100 moa long ol praismani bilong 2006.

Rejistresen fi bilong wanwan tim bai sanap

Harlies winim 11 taitol long POM yunion

Andrew Molen i raitim

HARLEQUINS ragbi yunion tim insait long Pot Mosbi ragbi yunion i soim olsem ol i namba wan yet taim ol i kisim namba 11 primiasip taitol bilong ol las Sarere.

Ol Harlies i kisim bek taitol bilong ol bihain long ol i winim wanpela strongpela sait bilong University Piggies wantaim 22-13 skoa.

Tupela tim wantaim i kisim bek olgeta gutpela pilaia bilong ol i kam bek long tim bihain long ol i pilai makim PNG Pukpuks we i lukim ol i strongim tru ol tim bilong ol.

Anthony na Richard Pangkatana, Willie Petali na Joe Koel i putim strongpela gem bilong Harlies na long Piggies kepten, Willie Rikis, Eddie Wesley na senta George Hoki pilai strong long tim bilong ol tasol de i no kamap gut long ol.

Kosa bilong Harlies, Billy Rapilla i tok amamas long ol Piggies long kamapim gutpela salens na em i tok win inap long go long tupela tim wantaim long wanem tupela wantaim i kamapim strongpela pilai tasol long ol Harlies i strong moa ol i kisim dispela win.

Rapilla i tok amamas tu long ol pilaia bilong em long ol i no giv ap long pilai tasol ol i pasim tingting bilong ol na i go yet inap long gem i pinis.

Lek nogut bilong hap-bek Jack Maraha i helpim ol tru taim em i kikim foapela penolti go bilong ol.

Refri bilong gem, Randy Selvaratnam i givim planti penolti long gem we i lukim spit bilong gem i go isi tru sampela hap long gem.

"Piggies kepten, Willie Rikis i no amamas long planti samting referi i mekim tasol em i tok dispela i no as bilong lus bilong ol.



KOAN: Harliques hap bek i tingting taim em i sambai long tromoi bal i go long wanpela pilaia bilong em long gren fainol. Harliques win 22-13.

Ol Piggies i go insait long 22 mita bilong ol Harlies planti taim tru long stat bilong gem tasol planti sans bilong ol i bagarap na dispela i lukim fes 20 minit bilong ol i go nating. Sapos ol i bin strong yet long fes hap ol inap stopim ol Harliques.

"Wantok" Arang joinim Mundine klab

Andrew Molen i raitim

WOL feda wet kikboksing sempion bilong Papua Niugini, Kartu "Wantok" Arang i wokbung wantaim biknem boksa bilong Australia, Anthony Mundine long kamapim sampela pait bilong em long ovasis.

"Mi kisim wanpela askim i kam long jim bilong Anthony Mundine long i go pait bilong klab bilong ol," Arang i tok bihain long wanpela eksibisen pait bilong em na Kira Winoli bilong Erave long nesenel kikboksing sempionsip long Lae las Sande.

Arang bai i lusim kantri long Oktoba 21 long go long Sidni long dispela pait.

"Dispela bai mi pait long boksing tasol taim mi stap long hap bai mi painim ol pait bilong kikboksing tu," Arang i tok.

Em i tok dispela pait i no bilong taitol bilong em tasol em bai i yusim

long redim em yet i stap.

Arang i tok dispela boksing pait em long amata level we ol lain bilong Mundine bai i lukluk long mekim em i kamap profesenol sapos em i pait gut.

"Dispela em i olsem trael profesenel pait tu," Arang i tok.

Em i tok, long Novemba o Disemba bai em i go pait long wanpela Intanesenol Spots Karate Asosiesen (ISKA) pait long kisim (Wol Kikboksing Asosiesen) WKA taitol.

Arang i tok em i stap long Pot Mosbi we em i wokim ol trening bilong em.

"Mi stat trening long stat bilong yia yet na nau mi wok long go insait long strongpela moa trening long redim mi yet," em i tok.

Em i tok trening bilong em i orait tasol na em i lukluk tasol long em.

Long wankain taim Arang i tokaut long tingting bilong em long level bilong kikboksing long kantri bihain long em i lukim dispela nesenol sempionsip.

"Level bilong kikboksing i go antap tru tasol i mas i gat moa sponsa long kain tonamen olsem," em i tok.

Arang husat i holim taitol bilong Wol Kickboksing Federesen (WKBF) em i tok ol junia paitmanmeri i soim ol gutpela save na skil bilong pait tasol sapos ol i laik go longwe moa long dispela mak ol i mas wok strong.

"Komitmen na disiplin bilong ol long trening na pait bai i soim dispela," Arang i tok.

Em i tok wanpela samting tu em ol i nogat ol gutpela samting bilong trening wantaim olsem bek na ol ped bilong paitim. "I mas i gat planti moa kain ol pait bai dispela i ken helpim ol tu," Arang i tok.

Pot Mosbi rot rana

TUPELA Sarere i go pinis ol rot rana i bin traim planti maunten long Friwe na ro i go long nambis na go olgeta long POM Teknikol Koles.

Tupela resis i stat long bas stop antap long Friwe we bikpela bas stop i stap long en.

Long sotpela resis (1.4km), Milton lakosi i mekim spit tru na i winim resis long 11.57 min. Longwe bihainim em Jnr Waki i kisim namba tu ples na kamap long taim (13.28) na Mathew Joshua i kamap klostu long taim bilong em (13.31) na kamap long namba tri ples.

Longpela resis em i go olgeta long Ela Bis na bihain go long POM Teknikol Koles we i gat planti maunten i stap long dispela rot. Insait long 8 km resis i gat olsem 1km tasol hap rot i stret tasol i go tasol olgeta hap em maunten tasol i go. Rot long nambis i lusim kolta bilong em olgeta na planti das i bagarapim ol rana taim ol ka i ron i go i kam abrusim ol. Simon Pinampio i wok hat long kisim gutpela

taim na em winim resis (34.42) em tupela minit i go pas long James Gurumi. Gurumi i kamap long taim taim 36.52 minit. Bihain long em Steven Aivenzie husat i kamap klostu long Gurumi na kamap long taim (37.01) long kamap namba tri ples.

I gat tupela meri tasol long longpela resis. Deahne Turnbull i kamap long taim (41.39) we em i winim planti man na Mylene Berzon i kamap long taim (48.32). Em tu i wok long kalapim planti maunten. Jude Ronyane-Ford em kam bek long sik bilong em na kamap long taim (53.15) nna Joe Kim long (62.03), we em i no save stop long ol bikpela maunten. Ila Geno i kamap long taim (55.22) minit we em i painim hat wok long go antap long Friwe na klostu long em i lusim ples bilong em i go long Paul Crouch-Chivers husat i kamap long taim (56.22).

Long dispela Sarere resis bai stat long TNT depot long ples balus. Dispela resis tu i gat wanpela bikpela maunten long em na ol rana bai wok hat tru long go antap long em. Ol resis bai stat long 5 kilok avinun.

Telsta lukluk long winim 30 netbol taitol

Paul Zuvani raitim

SAPOS i gat wanpela samting Telsta, Pot Mosbi sempion netbol klab i laik mekim em long winim 30 netbol taitol bilong Pot Mosbi.

I nogat narapela samting i stap long tingting bilong ol long dispela taim ol i wok long redi long bungim Paramana long gren fainol bilong Pot Mosbi netbol long dispela Sarere long Rita Flynn Kot, kosa na mama bilong klab Veitu Diro i tok.

Las yia tupela i bin bung na Telsta i win na dispela hap tumoro, Sarere tupela bai bung gen.

"Mipela i nogat narapela tingting long mekim long dispela pilai. Mipela i laik winim 30 taitol bilong mipela," Diro i tok taim em i laikim tim i mas winim dispela taitol we i go wantaim 30-yia bilong kantri.

"Mipela i tren hat na ol tingting bilong pilai i stap stret," em i tok. "Mipela bai lusim sapos mipela i no wok hat."

Tasol em i tok win bai i no inap kamap isi. Las taim tupela i bin bung em long semi fainol we Telsta i win 57-40.

"Mipela i bin bungim ol tupela taim long sisen we mipela i win. Tasol yu no save long gren fainol ol pilai i save senis. Mipela i no ken ting olsem mipela i winim ol tupela taim na olsem mipela i sempion. Ol Paramana bai i no inap givim sans."

"Mi askim ol pilai bilong mi long sanap strong na pilai hat." Em i tok klab i bin stat long 1966 na long olgeta dispela ol yia ol i bin kwalifai long kamap long gren fainol we 29 em ol i winim, 8-pela ol i rana ap na wanpela em ol i abrusim we ol i no bin kamap.

Em i tok lain ap bilong em i wankain long semi fainol tasol i gat liklik senis long gol suta. Taita Baldwin husat Diro i tok i gat dai long famili i no inap kamap long pilai. Long kisim ples Gamini Koroka long gol atek bai kamap.

Askim em long wanem samting i mekim klab i kamap gut Diro i tok gutpela menesmen.

"Wantaim gutpela menesmen gutpela klab i kamap. Sapos nogat gutpela menesmen klab bai no inap ron gut na ol pilai bai stap nabaut," em i tok.

"Narapela samting em i mas gat developmen bilong junia pilai. Long junia pilai i gat sinia pilai. Nogat junia pilai i nogat gutpela sinia pilai bihain."

"Tasol komitmen tu i stap long olgeta pilai na menesmen wantaim. Sapos nogat gutpela komitmen i kam long menesmen na ol pilai klab bai i no kamap gut tu," em i tok.

Diro husat i kamapim dispela klab long 1966 wantaim ol narapela meri olsem Ledi Terena Kapi (meri bilong Sif Jastis Sir Mari Kapi) na Badihagwa Hai Skul tisa Aima Bawasu i tok nau yet em wanpela meri tasol i stap long givim ful. Ol

narapela meri i no kamap tumas long kain wok ol i gat long en. Sapos ol Telsta i laik win dispela i no narapela stori long Paramana, ol i tu i laikim win.

Kosa Ani lamo husat i stap malolo i tok ol i redi tasol long bungim Telsta long pilai.

"Sapos mipela i pilai gut i nogat wanpela samting i bai pasim mipela long win. Na olsem mipela i lukluk tasol long win," lamo i tok.

"Trening i wok long kamap gut na olsem mipela i wok long ol asua bilong mipela," em i tok.


"Mi askim ol pilai bilong mi long bilip long ol yet na bihainim tasol gem plen bilong mipela. Ol i mas putim 110 pesen long pilai bilong ol. Ol i no ken tingting long ol narapela pilai na wei ol i pilai long en.

Tasol long ol i win ol lus em i tok em i stap long husat tim i no mekim planti asua na i kamapim strongpela pilai.

Lain ap bilong tupela tim em Telsta: Jacklynne Niblet (GK), Raka Nope (GD), Patricia Karukuru (C), Albertine Erau (WD), Mona Lisa Leka (DA), Lydia Veali (GA) na Gamini Koroka (GS). Ol risev em Emily Maha, Mimi Ori, Julianne Diro, Ila Vala na Nipil Kawa.

Paramana: Ravu Rauai (GK), Makara (GD), Renagi Dringo (C), Marat lamo (WD), Kula lamo (GA) na Gewa Raula (GS). Sampela ol risev em Joyce Waruna na Vala Charlie.

PNG rana kamapim gutpela ron



GIVIM SIKSTI: Toea Wisil long wanpela bikpela resis bilong em i wok long ron gut yet.

FABINA Niulai, Simon Benari, Mae Koime, Toea Wisil na Sapolai Yao em ol rana husat i kamap ples klia long bikpela Osenia Gron Pri we i wok long kamap long Townsville, Australia long dispela wik.

PNG Etlekik Yunion presiden Tony Green i tok long dispela resis Niulai i winim 200 mita ron bilong ol man we em i kamap long taim 22.02 seken. Long dispela em i kamapim tu pesinon bes taim.

Em i tok Niulai i ron pas long man Australia Peter Tuccandidgee na mini Saut Pasifik Gem 100m sempion na man Vanuatu Moses Kamut.

Ol raunda Benari i mekim wanpela gutpela ron tu long 110m hedol resis, i kamap namba tu long jam resis. Long dispela wiken em bai kamap long dekolton resis.

Koime olsem em i save mekim i winim 100m na 200m resis na Toea Wisil i skruim yet ol gutpela resis bilong em long 200m na 400m resis.

Pinis tasol long 100m taim bilong em we em i kamap long 12.3 seken long las Fraide long Brisbane, dispela 17-yia meri nau i wok long kamap klostu long nesene junia rekod bilong Koime we i stap 12.17 seken.

Na longpela resis man Sapolai Yao i go het yet long mekim gut na kamap pas long 5000m resis. I nogat wanpela man i ron bihain long em. Man husat i kamap namba tu em Solomon ailan man Chris Votu.

Na 18-yia Goroka Sekenderi skul manki Betty Burua i kamapim tu gutpela resis long winim 5.07 long jam we em i mekim 27.67 long 200m.

Ol narapela lain husat i kamap em meri Simbu husat i skul long Yunivesiti bilong Teknoloji long Lae i kamap namba tu long Toea Wisil long 200m na kamap long taim 59.31 seken. Long dispela resis tu Cecilia Kumalalame i kamap long namba faiv ples na kamap long taim 1:02.39.

Long 200m resis bilong ol man Wally Kirika i kamap namba faiv ples long taim 22.6 seken.

Long long-jam bilong ol man Sandy Katusela bihainim tasol gutpela kalap bilong em long mini Saut Pasifik Gem i kalapim 6.57m long kamap namba wan.

Na long dispela taim tu PNGAU seketeri Philip Rehder i tok long dispela taim sampela rana bilong PNG i stap long Australia ol narapela tu i wok long redi long kamap long Nesene Sempionisip long Lae.

Dispela sempionisip bai kamap long Septemba 29 i go inap long Oktoba 1 na bai lukim ol manmeri i resis long Anda 16, 18 na Open divison.

Rehder i tok em i lukluk tasol long gutpela kamap bilong ol rana long dispela ol resis bihainim ol gutpela resis i kamap long mini Saut Pasifik Gem.

Ol ples we i tokaut long kamap long dispela sempionisip em Pot Mosbi, Isten Hailans, Simbu, Westen Hailans, Oro, Madang, Is Nu Britan na Wes Nu Britan. Em tok Pot Mosbi i luk nogut long dispela resis long wanem ol bai kamapim ol strongpela ron. Narapela provins we inap long pait wantaim NCD em Isten Hailans na Is Nu Britan.

Tupela BB stoa tim go long lig gren fainol

... i kam long bek pes

bagarapim sindaun bilong Nowek Royals 10-8 long go insait long fainol.

United i gat planti ol yangpela manki husat i soim trupela kala bilong ol taim ol i winim Royals.

United i wanpela olpela tim insait long Goroka lig resis olsem na long stat bilong dispela yia em i amasim 36 yia anivesari bilong em long Goroka. Long dispela taim tu wanpela lokel bisnisan na papa bilong BB Trening Brian Balifun i bin soim laik long sapotim dispela klab.

Papa bilong BB Trening em i hapkas Kranget Ailan long "bilak bokis" taun Madang na Sipiga long Goroka taun. Stua bilong em long Lopi Strit long Goroka i wanpela namba wan stua long Isten Hailans provins we i save salim planti samting long liklik prais tasol.

Planti manmeri tru long Goroka i save kapsait long baim samting long stua bilong em.

Dispela sapot bilong Balifun na tu menesmen bilong klab aninit long lukaut bilong presiden Paul Makiso, seketeri Tangala Korimbo, menesa Leviti Abuzo, tresera Isepo wantaim ol opisel bilong em na tu ol kosin tim em Ben Noimbano na trena Mathew Inapero bilong United i lukim dispela klab na putim tupela tim i go insait long gren fainol bilong Goroka ragbi lig.

Tupela tim bilong United husat i go insait long fainol em A gret na Risev gret.

Kepten bilong United John Koko i tokim Wantok Spot olsem ol boi bilong em i gat bikpela rispek i go long ol EDZ Cowboys long wanem tupela tim wantaim i gat wankain strong long traime



BUNG WANTAIM: Sampela ol pilai bilong BB Trening United i redi long pilai gren fainol egensim Cowboys dispela Sande.

abusim ol yet.

Koko i tok planti ol boi bilong United em ol miks manki husat i kam long Henganofi, Unggai-Bena, Lufa na asples Goroka yet.

Ol pilai husat bai lukautim beklain bilong United long givim salens long Cowboys em tupela senta Jerry Wera na Kusiri Wong na tupela win em Henry Seka na Kenneth David. Tupela bagaros husat bai lukaut hap posisen em hapbek Rote Bill na fai eit Nathan

Oyato. Long fowet ol lain husat bai soim pawa bilong ol long brukim difens bilong birua bilong ol em kepten yt Koko, Alta Sekio na Jeffery Aize.

Narapela stail manki husat bai lukautim enjin rum bilong United em Peter Walok husat i stap long dami hap.

Narapela tim bilong United long risev Gret bai bungim Brothers long gren fainol.

**LAE
BISCUIT CO.**



WANTOK SPOTS

**LAE
BISCUIT CO.**



Primo
Wan
Pes 29




**Ragbi yunion-
Harlies winim 11
taitol
Pes 30**

**United
go
long
Goroka
lig
tainol**

James Kila i ratim

SIR Danny Leahy oval long Lopi Strit long Goroka taun, Isten Hailans provins bai paia lait long dispela Sande taim tupela strongpela tim BB Treading United i traim strong wantaim EDZ Cowboys long gren fainol bilong sisen dispela Sande. A Gret bilong BB Treading United i bin kamapim gutpela pilai las wik taim ol i ...

I go moa long pes 31...



**Robal fainol
Ikan stori
Pes 31**

I KAM: Paramana a Gewa Raula i i tok taim em i sambai long wan pilaia bilong em long taim Paramana ai wantaim Rebels las Sarere long prilim. Paramana win 58-48.

Foto: NICKY BERNARD

RELIABLE

PowerMate PETROL GENSETS

Available in different sizes to suit your application.
Feature: Circuit Breaker, Battery Charger, Volt Meter & Long Run Tank



Model: 5GF
Code: 137964
5kva
K 2,965



Model: 3GF
Code: 137960
3kva
K 2,295



Model: 2GF
Code: 137958
2kva
K 1,295

FATHER'S DAY GIFT IDEAS!
SUNDAY SEPTEMBER 4TH

FREE 18W FLUORO & POWERBOARD
with every purchase of a Powermate Petrol Genset!

FREE DELIVERY

POWERCENTRE 325 8066 BOROKO 325 5411 HCC, GORDONS 325 8469 HCC, LAE 472 3200 TOP TOWN 479 1918 GOROKA 732 1622 MT HAGEN 542 1999 KOKOPO 982 9027 MADANG 852 1899